

CICERO MARCUS TULLIUS
MOREL GUILLAUME

Locorum in Ciceronis partitionibus oratoriis difficiliorum explicatio

Parisiis
1549



Tillykke med din eBog

Du har modtaget en eBog via **Det Kongelige Biblioteks EOD-service**.

Vi håber, du vil finde den både nytig og let at anvende. eBogen er leveret til dig som en søgbar PDF-fil, og det giver dig nogle særlige anvendelses-muligheder.

Hvordan du bruger eBogen

Læse på din skærm

Du kan åbne og læse eBogen via din almindelige PDF-reader, der ligeledes giver dig mulighed for at bladre mellem siderne og zoome i teksten.

Udskrive på din printer

Du kan skrive hele – eller enkelte sider af - eBogen ud på din egen printer.

Gemme på din computer

Du kan let gemme eBogen på din private computer, USB-nøgle eller diskette.

Søge tekst

Du kan søge efter ord, dele af ord eller hele sætninger, i eBogen ved at bruge PDF-Reader'ens inbyggede søgefunktion. Denne finder du ved at klikke på ikonet "Search"  , eller trykke på tastaturknapperne [Ctrl+f].

Kopiere og genbruge tekst

Du kan kopiere tekst fra eBogen ved at klikke på ikonet "Select toolbar"  , indramme den tekst, du ønsker kopieret og trykke på tastaturknapperne [Ctrl+c]. Du indsætter teksten, hvor du ønsker det, ved at klikke [Ctrl+v].

Kopiere og genbruge billeder

Du kan kopiere billeder fra eBogen ved at klikke på ikonet "Snapshot Tool"  og indramme billede, du ønsker kopieret. Du indsætter billedet, hvor du ønsker det, ved at klikke [Ctrl+v].

Betingelser for brug

Bruger du eBøger fra Det Kongelige Biblioteks EOD-service accepterer du samtidig de betingelser, der knytter sig til brugen af disse pdf-filer. Den vigtigste af disse betingelser er, at du kun må anvende eBøgerne til personlig ikke-kommerciel brug.

Læs alle betingelserne på <http://books2ebooks.eu/odm/html/kb/da/agb.html>



LOCORVM
In M. T. Ciceronis
PARTITIONIBVS ORA-
torijs difficiliorum
explicatio,

Exscriptore Guilielmo Morelio.

PARISIIS,
Apud eundem Guilielmum Morelium,
ex aduerso scholæ Remensiū.



POGORUM
M. T. Cicelouis
PARATIONIBAS ORA
totis diligenter
explicatio
Expositio Quatuor Mox
PARISIIS



LOCORVM IN M.T.CICERO-
NIS PARTITIONIBVS DIFFICILIO.

RVM EXPLICATIO EXSCRIPTO-

re Guielmo Morelio.

I NSCRIPTIO, Partitiones oratoriæ, à ratione & forma docendi ducta est: quod hic eloquentiæ seu rationis dicendi, distributiones in suas partes, & veluti riuorum à suis fontibus de ductiones tradantur, facta non modo in partes diuisione, sed in formas quoque, quas Græci ἔισθαι & ιδεῖσθαι appellant. Partitio enim, quæ est Græcis Διαίρεσις, partibus & formis accommodatur.

GRÆCE tradidisti] Adolescentes enim tum rhetorice Græce docebantur, quod Latinis literis disciplinæ nondum, aut certè parum explicatae essent.

ROMA excundi potestas data est] Sæuiente Cæsare, vel dominante Antonio. Quam autem occupatus fuerit Cicero in Rep. testatur lib. 3 Epist. ad Q. fratrem, Nullus, inquit, dies erat, quo die non dice rem pro reo.

VT tu me Græcè soles.] Cauet ne inepte tam conuenientia interrogasse videatur filius, quod veluti dictata redditurus sit.

VICISSIM eisdem de rebus Latine.] Officior. i, Ipse (ait Cicero ad filium) ad meam utilitatem semper cum Græcis Latina coniunxi: id tibi censeo faciendum.

IN ipsam vim oratoris] Vis oratoris est ea facultas qua dicendi artifex quæ in oratione requiruntur efficit. Quintilianus paulo alter diuidit doctrinam dicendi: in artem, artificem & opus. Nomine operis quæstionem complebitur: vt Cicero sub vi oratoris, artem & artificem. Tribus his partibus præcepta intellige, quæ desiderant ingenium oratoris, quæ pertinent ad partes orationis, & quæ tradūtur de varietate quæstionum.

SE D & res & verba inuenienda sunt] Hunc locum Fabius exponit lib. tertio Institut. Oratoriæ, docens Ciceronem in Partitionibus oratorijs ad quinque rhetoriæ peruenisse partes. Nam cum, inquit, dupliciter primum diuisisset in inuentionem atque elocutionem, res ac dispositionem inuentioni: verba & pronunciationem elocutioni dedit: quintam quoque constituit communem ac velut custodem omnium memoriam.

4 IN PARTITION. ORAT.

PROPRIE autem in rebus inuenire] Nam inuentio quæ dicitur verborum, verborum est electio.

COLLOCARE autem etsi est commune] Collocatio propria est sententiarum dispositio. Verborum enim collocatio, id est constructio & apta compositio, elocutione comprehenditur.

V O X, motus, vultus atque omnis actio] Ea est pronūciatio: quā Fabius diuidens in vocem & gestum, nomine gestus, vultum qui animi index est, & motum corporis membrorumque complectitur.

ORATIONIS quot sunt partes?] Huius diuisionis auctor Aristot.3. Rhetor.

QVATVOR] Quæ plures partes numerantur, his comprehenduntur. Propositio diuisio & refutatio confirmatione: egressio, ea parte vnde egredimur.

A D impellendos animos] Impellere de vtroque motu leniore & grauiore dicit, vt & ad motū & ad delectationem pertineat. Nā oratoris officium dicitur, docere, mouere, delectare.

INFINITAM quam consultationem appello] θέση dicit & ὑπόθεση. Iurisconsultorum vocabulum est consultatio. Illorum enim cōsultationes quæstiones sunt infinitæ. In Topicis propositum appellat: & υπόθεση causam. Quas medias quæstiones Fabius facit, appellatque ad aliquid relatas, ex ad infinitas pertinent. Consultatio de toto genere quærit, Cōtrouerſia de parte seu specie: illa sic appellata videtur, quod quasi consulatur & adeatur: haec, quod per se incerta & iniudicata maneat, nisi consultatione explicitetur. Si enim voles differre, An res sit pia bellum in Turcas, prius scias necesse est, An bellū res sit concessa. Iaque bene præcipiunt hypothesin ad theſin reuocādam esse, vt per hanc illa explicitetur.

MOTIVM eorum animis afferat.] Orator argumentis & probationibus, i. summis, vt ait Aristoteles, præſidijs, vtitur ad docendum: amplificationibus autem & alijs generis eiusdem, vt quos cōquitate ducere non potest, affectu pertrahat.

AVT in re ipsa insitis aut assump̄tis.] Non est necesse hic metonymiam fingere, cum haec ad nomen argumentis, referri possint. Argumenta alia in re ipsa insita, alia assumpta, quæ ex locis ducūtur. Locos appellat sedes argumentorum, ex Aristotele, qui partem inueniēdi in Dialecticis, Topicen appellauit.

PROBABLE] Id est quod omnibus videtur & verum statuitur, aut plurimis, aut certe sapientibus.

IST A duo genera diuidis?] Argumenta dicit insita & assumpta, seu remo-

seu remota quæ non tam diuidenda requirit, quam distinguenda, separanda & seorsim definienda.

QVAE sine arte putantur.] Alludit ad Aristotelis diuisionem Argumentorum alia ἐντεχνα, alia ἀτεχνα esse. Quæ ἀτεχνα dixit Aristot. & sine arte ab eius sequacibus putantur, remota Cicero nominat, remota, inquam, ab ipsa quæstione, quod citra oratoris inventionem non ex vi quæstionis, sed à litigatore aliud supeditetur. itaque arte carere putantur, arte tamen tractanda sunt, vide Agricolam lib. 1 cap. de Pronunciatis.

QVOD spectatur ex auctoritate] Examinantur testimonia humana & spectantur ex personarum applicitis quinque, auctoritate, vt scripta: voluntate, vt pacta, promissa. oratione vel libera, vt iurata: vel expressa, vt quæsita tormentis, aut inquisitione facta cognita. Hæclatius in Topicis Cicero.

IN quo insunt] Intellige testimonio humano: cuius genera quinque subiungit. Sunt enim qui legunt in qua, & ad orationem quæ se- quuntur referunt.

QVAE infixæ sunt rebus ipsis] Infixa in rebus locos vocat non tantum quos intrinsecos vocant dialectici, sed in genere omnes qui artificiales vocantur, vt enumeratio ipsa indicat.

TVM ex toto] Hæc enumeratio ex secundo Topicorum Aristot. sumpta est, quam eandem recēset in Topic. & lib. 2. de Oratore. vbi docet omne quod sumitur in oratione aut ad probandum, aut ad refellendum, vel ex sua sumi vi atque natura, vel a sumi foris. Ex sua vi, inquit, cum aut res quæ sit tota queritur, aut pars eius, aut vocabulum quod habeat, aut quippiam rem illam quod attingat.

TVM ex nota] Vt legitur in Topicis: ad quā postea dicit adhiberi notationem. Quid enim esset adhiberi ad notationē notationem?

TVM ex ijs rebus quæ quodammodo affectæ sunt ad id de quo queritur.] Lib. 2. de Oratore vocat, quæ rem de qua queritur attingunt: id est, quæ sunt vicina, nec tamen singula totam rem declarant aut complectuntur. Eo genere comprehēduntur, quæ Boetius comitantia substantiam nominat. i. quæ sunt extra rei substantiam.

Et ad id totū de quo differitur] Tria posuit, totū, partē, notā, ad quæ explicanda tria subiungit: ad totum, definitionem: ad partem, partiū enumerationem: ad notam seu vocabulum, notationem. Sic enim. i. de Orat. ait, Si res tota queritur, definitione vniuersa vis explicanda est: sin pars, partitione: sin ex vocabulo, vt Carbo, Si consul est qui cōsulit patrię, quid aliud fecit Optimius? &c. Totū autem vocat simplex

thema, cuius instituitur explicatio: vt in causa Norbani totum erat seu thema, crimen læse maiestatis, quod erat definiendum.

TVM definitio adhibetur] Vt, Crimen læse maiestatis est, mouere bellum contra superiores, non alicuius iustæ rationis causa: ergo in C. Cæarem non potest conferri crimen læse maiestatis, qui propter necessariam defensionem condemnatus senatusconsulto, mouit bellum. Bene dicere laudabile est: ergo & rhetorice laudanda.

TVM partium enumeratio] Vt, Suum cuique reddit, prudens est & sapiens, fortitudine animi valet, temperanter vivit: igitur virtute prædictus est. Nauigium iustitium non est, cui vela desunt.

TVM notatio verbi] In Topicis multis verbis hunc locum exponit, & diserte ait se notationem vocare, quam Græci etymologiā nominant. Intellige autem non tantum puerilem nominis interpretationem, sed etiam emphasis vocabulorum. Exemplum, Consul Piso non fuit, quoniam Reipub. non consuluit. Magistratus ordinatio est Dei: ergo eius auctor non est diabolus, qui est destructor ordinis & auctor confusionis & dissipationis. Hic tantum emphasis vocabuli ordo, vrgetur.

E X his autem rebus quæ quodammodo affectæ sunt] Classis reliquorū est locorū. Sic hoc extulit lib. 2 de Oratore, Sin ab eo quod rem attingat (res s̄ queritur) plures sunt argumētorum sedes ac loci. Nam & coniuncta querimus, & genera, &c.

C O N I Vgata] Quæ orta ab uno varie commutantur: vt sapiens, sapienter, sapientia: vt, iustū est punire ingratos: iuste igitur fecit Mācedo Philippus, qui militi ingratō in hospitem inuri has literas iussit, I N G R A T V S H O S P E S. Sceleratus est Antonius, qui quotidie aliquid sceleris moliatur.

E X genere] Vt, Nullæ usuræ sunt concessæ: ergo nec centesimæ, nec semisses sunt excusabiles.

E X forma] Vulgo speciem dicimus: in Orat. Cice. vocat partem generi subiectā. Vt, Effregit fores armatus: ergo vim fecit publicam. Nouit artem, qui nouit grammaticam.

E X similitudine] Ex similitudinibus multa iudicātur, si sunt iuris cōsulti, quia de singulis quæ accidere possunt, leges ferri nequeūt. sed videndum est ne interueniat ratio dissimilitudinis. Exemplum, Negociator ratum habuit quod egit institor: ergo debet acsi ipse esset stipulatus: quia cōparantur ratihabitio & stipulatio. Cicero lib. de Oratore, Si feræ partus suos diligunt, qua nos in liberos nostros indulgentia esse debemus?

E X differentia.] Alias dissimilitudinē appellat: adfertque hoc in exemplum, Si barbarorum est in diem viuere, nostra consilia in semipiternum tempus spectare debent. Sunt autem differētiæ diligenter inuestigandæ, quæ ad refellendum plurimum valēt. Seruit, ergo seruus est. dissolute per differentiam, Aliud est seruum esse, aliud seruire. Addictus enim qui non est seruus, seruit. Aliud, Mutui proprium est retinere ius repetendæ sortis. In contractu redemptionis dans pecuniam non retinet ius repetendæ eius. Ergo non est mutuatio, nec usurarius contractus.

E X contrario.] Vt, Vina calefaciunt hominum corpora: Ergo nō refrigerant incensa corpora, vt in febri. Si honestum bellum in Turcas, turpis pax cum eis est.

E X coniunctis.] In Topicis Cicero adiuncta vocat. Ea sunt quæ simul existunt cum re proposita, seu necessario, seu certe plerunque. Rodolphus quædam adiuncta maluit dicere adplicita, vt locum & tēpus: quædam cōnexa, vt vestitum. deinde partem adiunctorū trans-tulit in locum quem vocat contingentium. Ita ex uno fonte Ciceronis quasi riuulos plures duxit. Exempla sunt, Rubescit: pudet eū igitur. Ambitiosus est: igitur suspicax & inuidus. Facto locum & tempus congruere debet. Clodius eo die fuit in vrbe: non igitur fecit insidi-as Miloni.

E X antecedentibus.] Antecedentia sunt vel causæ, vel signa, vel alioqui necessario aut plerunque præcedentia: Necesse est progrediē tem ad metam antea confidere spatiū propius. Necesse est ante liberationes aliquid fuisse periculi. Cum igitur non omnia præceden-tia prorsus se vt causæ habeant, peculiaris locus antecedentium con-stitutus est: quo multū vtimur aut signa colligentes, vt in Miloniana: aut alioqui ex præcedentibus ratiocinantes posteriora: vt, Bellū mo-uetur, ergo fient cedēs, direptiones, distractiones studiosorum, barba ries & obliuio disciplinarum, &cet. Hæc præcurrentia secundo de Oratore appellat.

E X consequentibus] In docendo & discendo plurimum valet hic locus. Nam magna ex parte ea quæ homines discunt, venantur à po-steriore. Homo intelligit, numerat, iudicat, meminit præterita, pro-spicit futura. Ergo partem quandam habet incorpoream, capacē ha-rum excellentium actionum, nimirum mentem.

E X repugnantibus] Repugnantia latius patent, quam quæ cōtra-ria vocant, & vulgo Dialectici opposita nominant. Sunt enim repu-gnantia, quæ quoquomodo non possunt cum re proposita existere.

Atticus Ciceroni fuit amicus, & fuit vir constans in amicitia, & non
fucatus: ergo non adiuuit Clodium in expellendo Ciceronem. Iuste
sum restitutus, ergo iniuste eiactus eram: quod Cicero sic extulit:
Quæ fuisset igitur causa restituendi mei, nisi fuisset iniusta ejiciendi?

E X caussis.] Caussarum varia sunt genera. Ex efficiente sic ra-
tiocinamur, Politiæ sunt verè res bonaæ, quia Deus eas condidit, qui
tantum rerum bonarum conditor est. Ex materiali, Spiritus carnē
& ossa non habet, ergo angeli non sunt carnei. Ex formalí, quale
illud Virgilianum, Quoniam tibi pocula ponam Fagina, cælatum di-
uini opus Alcimedontis: Lenta quibus torno facilí superaddita vi-
tis, &cæt. Est enim forma, ipsa materiæ species. Ex finali, Populus
Romanus vult urbem tueri, cōtra subitam vim hostium: ideo munit.
Hic locus complectitur rerum vsus & fructus, personarumque offi-
cia: quorum magnus vsus est.

E X effectibus] In Topicis est, ex effectis. Effecta vocat. 2 de O-
ratore, ea que ex causis orta sunt. Certus est ordo naturæ rerū in mun-
do, certi motus in cœlo, certæ temporum vices, certæ procreationis
species, certæ notitiae in mente hominis, numerorum, honestatum
actionum & turpium: ergo mundus casu nō exitit, sed à mente qua-
dam sapiente ortus est. Scyphus liquatur, non est ergo ligneus. Volu-
bilis est globus, est igitur teres. Agri vastati sunt, cæsi ferro cultores:
bellum ergo fuit. Tot enim sunt effectorum quot cauarum genera.

E X comparatione maiorum] Imperatoris sententia contra leges
lata non valet: quanto minus magistratus inferioris? Qui sacrilegium
facit, faciet furtum. Quod in re maiore valet, valeat in minore, ait in
Topicis.

Parium] Vt, Componens librum famosum sit infamis: ergo & qui
tale scriptum profert. Est eiusdem & eripere contra Republic. &
largiri pecunias. Quod in re pari valet, valeat in hac quæ par est, ait in
Topicis.

Minorum] Vt, Monetam deprauare scelus est capitum, multo magis
sit capitale scelus leges deprauare, aut falso citare. Hoc argumento
Demosthenes vtitur contra Aristogitonem. Hic paruae consuetudi-
nis caussa huius mortem fert tam familiariter: Quid si ipse amasset?
quid mihi hic faciet patri? Quod in minore re valet, valeat in maio-
re, vt est in Topicis scriptum.

V T definitio.] Hactenus more Aristotelis, recensuit veros, pro-
prios & appositos materijs locos, erutos ex veris fundamentis. Hinc
recenset ad parentes seu vicinos superioribus locos, qui interdum ad

propositum apte quadrantia argumenta suppeditant, interdum inanes sunt præstigiae. Est ergo nouus locus, ut definitio, i. adparens seu popularis definitio, non propria, non ex fontibus rei sumpta. Satis enim id se spectasse Ciceronem indicat, additis particulis ut & quasi. Quasi definitione vtimur, cum veram rei definitionem non habemus, aut vulgarem & receptam proposito nostro congruentiore putamus. Philosophia est rerum diuinarum humanarumque cognitio. Aristoteles ergo philosophus non fuit, qui rerum diuinarum plane imperitus erat.

V T contrarium.] Multa contraria videntur quæ vere non sunt contraria: ea ut contraria vel quasi contraria Ciceroni dicuntur. Nō est probanda indulgentia patris in filium, quia educationi nihil est magis contrarium. Quasi contraria sunt educatio & indulgentia.

V T ea quæ sunt ipsi cōtrariōue ei⁹ similia] Si pater erogauit pecuniam ad filij honore, deducitur hoc in hæreditate de parte filij: ergo sumptus scholastici etiā deducendi sunt de hæreditate filij. Quasi simile est, cum reuera non sit simile, quia lex sumptus studiorum non vult deduci, cum liberalis institutio & communicatio doctrinæ pars sit educationis, & tam necessaria quam alimenta, quæ parentes debet liberis. De honore aliter se res habet, quē filius virtute consequidebet. Aliud, Tanquā caluniator puniri debet, qui crimē obiicit quod probare non potest. Hoc vrgere solent qui se traduci ægre ferunt: cum reuera non sit simile. Quia calumniator modo est qui infamat aliquem sine probabilibus coniecturis: non qui suspectum de aliquo scelere traducit, etiamsi probare non possit. Ideo lex dicit, Eū qui nocentem infamauit, non esse bonum & æquum ob eam rem cōdemnari: & doctores dicunt, Communis fama excusat à calunnia.

V T dissimilia] Sæpe falluntur homines opinione dissimilitudinis, ut est v̄statissimum vitiis nomina virtutum prætexere. Sylla nō vult se iniustum & crudelē dici, sed seuerum: sed hic prætextus inanis est, cum nihil intersit inter Syllanam seueritatem, & iniustā crudelitatem: & sunt quasi dissimilia, seueritas Syllana, & crudelitas. Sic feceratores excusant v̄sluras vocabulo interesse: & quasi dissimilia adferunt, pacisci de eo quod vocant interesse, & pacisci: cum tantū nomina mutata sint, res sit eadem.

V T consentanea] Vno nomine appellat consentanea, quæ supra nominauit antecedentia & consequentia: ut sint quasi consentanea, quæ congruere cum aliqua re, & vel antecedere vel sequi videntur. Ut Atticus est diues: ergo est superbus. Quasi consentaneum est, di-

uites esse superbos: non tam en signum perpetuum.

Vt dissentanea.] Quæ non congruere ad eam rem quæ posita est videntur, quasi dissentanea sunt. Miltiades cruciatur in carcere, ergo fuit malus ciuiis. quasi dissentaneum est, cruciari bonum ciuem: & tamen hoc saepe accidit. Nam interdum boni viri immerito opprimuntur.

Q V A S I coniuncta] Pallidus est, metuit igitur. Quasi coniuncta sunt, pallere & metuere: potest tamen pallor aliunde accidere.

Q V A S I pugnantia inter se] Innumera exempla huius loci suppeditant à uropia, id est leges vel sententiae quæ pugnare videntur. Odisse eum qui potuit, apud quem tot beneficia collocavit? Quasi pugnantia sunt, odisse & bene facere. Non te bonum ciuem putabunt, qui tot flagitia admisisti. Non pugnant inter se, male acta vita, & præsens ratio melior, sed ut pugnantia conferuntur.

Vt earum rerum de quibus agitur caussæ.] Locus est similis fallacia, cum non caussa ut caussa adfertur. Sic Cicero in Philippicis, M. Antonium belli ciuilis caussam dicit, qui caussa non erat. Tibi certe, inquit, confitendum, caussam perniciosissimi belli in persona tua constitisse.

Vt caussarum euentus.] In politiis multa incident errata, multa fiunt iniuste, multa crudeliter: ergo politiae non sunt ordo diuinitus institutus. Non sequitur. Nam hic ordo, et si est à Deo institutus, & semper aliqua ex parte à Deo conservatur, tamen interim varie conturbatur, vel humana imbecillitate, vel diabolo instigante.

Vt distributiones] Orationis quatuor sunt partes, Exordium, narratio, confirmatio, peroratio: ergo quæ oratio una earum caret, oratio non est. Imo esse possit, nam omnes haec partes ad totius constitutionem non sunt necessariae: sed quasi distributio est, id est non omnino propria & vera partitio.

Vt genera partium] Maritus raptum vxoris vlcisci debet: ergo & concubinæ. Vxor enim quasi genus est concubinæ. Iurisconsultus hoc argumento usus est, citans Homeri versus de Achille irascente Agamemnoni, propter abductam Briseidem.

G E N E R V M V E partes] Locus quasi species, ex superiori intelligitur. Concubinam eiicere iure potest, ergo & vxorem. Vitiosum, quia concubina non est vera vxoris species, sed tantum adparens.

Vt primordia rerum & quasi præcurrentia] Huc pertinent ex si-
gnis quæ infirmiora sunt & minus certa. Themistocles clam misit li-
teras ad Xerxem: ergo molitur proditionem. Non possum togā præ-
textam sperare, quum exordium pullum videam.

VT rerum contentiones.] Comparationes dicit quæ videantur,
non autem reuera sint, maiorum, parium, minorum. Ex quasi maiori,
sic: iudici non licet contra leges pronunciare: ergo nec arbitro. Etsi
enim iudex quasi maior est arbitro, uterque tamen par est in eo quod
subiectus sit legibus. Ex quasi pari: Homicidium punitur vltimo
suppicio: ergo & calumnia qua quis exitium vitæ alteri molitur, pu-
nienda est vltimo suppicio. Nam tametsi grassari ferro atrocius est,
tamen generoso animo tam est tolerabile mortem oppetere, quam a-
spergi suspicione abominandi criminis. Ex quasi minore: Ouid.
Romule concedas. facit hic tua magna tuendo Mœnia, quæ dederas
transilienda Remo. Maius est, mœnia Romulum condidisse, quam Au-
gustum condita seruasse, hoc vult tamen ille ut minus haberi.

N A T V R A E rerum aut facultates.] Collatio naturarum, vt,
crocodilus est sauvus, & tamen fugax aduersus audaces, & audax ad-
uersus timidos: sic tyranni sunt θεατέλειοι. Fortes creantur for-
tibus & bonis. Collatio facultatum significat in genere collatio-
nes effectionum: vt, Sicut artes crescunt exercitio, sic virtus exercitio
fit excitator.

L E V I A semper reijciam?] Leuia, vt infirma, in diligendo reii-
cienda sunt: nec iis nisi coacto vtendum est. Communia, quibus ad-
uersarius etiam vi possit, prætermittenda sunt, nisi plus in partem
nostram valeat. Non necessaria molesta sunt, Fabius libro quinto, de
Refutatione.

L O C O Tu quidem quæris.] Officia oratoris duo proposue-
rat, fidem facere, & mouere: quorū altero explicato, reliquum erat ex-
ponendum: sed id in locum de principiis & perorationibus, & de
causarum generibus, vt commodiorem reiicit.

O R D O est idem fere.] Motum enim infinita questio non re-
quirit, sed locorum naturali serie & tractatione conteta est, sine prin-
cipio vlo & peroratione. Plato in Phædro iubet à definitione pro-
ficieni, deinde à partibus ad remotiora.

T Ot enim sunt motus genera] Ex sententia Stoicorū motus animi
ex opinione nascitur: aut presentis boni, quæ est voluptas: aut futu-
ri boni, quæ est cupiditas: item opinione mali presentis, quæ est

molestia, aut futuri mali qui est metus. Singulorum generum plures sunt partes, de quibus habes in questionibus Tusculanis.

I N proposito] In thesi, in questione infinita, seu in cōsultatione, Idem enim valent.

I N causa. In hypothesi, in questione definita, seu in controvēria, quæ omnia in idem recidunt.

I N qua est propositum.] Supra dictum est Rhetores iubere, hypothesis ad thesin reuocare, Thesis enim vniuersam rem explicat; hypothesis eius partem.

A VDitorum eam genere] ex Aristot.lib.1 ad Theodectem.

A VScultator.] Aristoteles spectatorē vocat, i. qui neque iudicat, neque statuit quippiam, sed dicentis oratione modo, quæ ad exhortationem comparata est, delectatur. Id genus demonstratiuum vocant.

D I S C Eptator] οὐγήτης, qui de re cognoscit, iudex, arbiter, vel rei cognitor; qui si statuat de rebus præteritis, orationem audit, quam vo cant iudiciale, si de futuris, deliberatiuam.

A V T sœ uitiam, aut clementiam] Sœ uitia, si accuset: clementiam, si defendat. Item spem, si suadeat: si dissuadeat, reformidationem.

T E Mporum seruantur gradus] Vt in vituperatione Antonij. 2 Philip. & oratione in Pisonem.

G E N E R V M distributiones] Vt cum virtutē in suas partes tribuimus. qualis est laus Pompeij in oratione pro lege Manilia.

A Minoribus ad maiora.] Ex comparatione tribus modis. Aut enim per amplificationem, à minoribus ad maiora: vt pro Marcello in extollenda Cæsar's clementia. Aut per extenuationem, à maioribus ad minora, vt in prima Philippica, de reb⁹ Antonio gestis. Aut varie & permixte: quando minus firma firmioribus sustinentur, vt 2 Philippica, vbi leuiora Antonij crimina grauioribus intertexuntur.

Vel non longa] Vt pro lege Manilia, & in Philippicis 2,3,4,5,9,11.

Vel sæpe nulla] Vt Philipp. 1,6,7,8,10,12,14. Quanquam aliquando si causa postulat, opus est longo principio, vt contra Rullū, quia contra legem Agrariam apud populum dicebatur.

Q V A R E & ad fidem & ad motū] Partes deliberationis seu suasionis præcipuae & frequētiores sunt, Cōfirmatio & peroratio. prior ad fidem, posterior ad motum pertinet.

N O N eadem accusatoris & rei.] Accusator enim iudicis sœ uitiam: hic, clementiam sibi proponit: qui fines diuersi, diuersam collationem requirunt.

R E R V M ordinem] Vel temporum gradus, vel etiam criminum distribu-

distributionem, illumque ordinem quo à minoribus ad maiora ascēdimus, intellige.

T A B V L I S, decretis] Locorum inartificialium potissimum membrum: quod in hoc orationis genere firmiora suppeditent argumenta, quam artificialia. Tabularum nomine instrumenta omnia comple&titur & scripta, syngraphas, testamenta, diplomata, &c.

P A Vlulum digrediens de cursu dicendi] Accusator cum rem exposuit atrocem, vti solet, ait Fabius, procul su, id est excursione in affectum, vt crimen amplificet.

A D benevolentiam conciliandam] Iudicis irati accusatoris diligentia. Itaque principiis opus est ethicis & moratis, interdum etiam patheticis.

S I sunt molestæ] Fabius narrandum esse putat, sed adhibitis remediis.

Diluenda] Quæ falsa sunt aut ficta: obscurada, quæ dilui non possunt, ut eorum vis lateat, & verisimilitudo infirmetur. Obruenda, quæ nō facile obscurari possunt, aut copia verborum, aut digressionib: ut Cicero gloriatur se tenebras iudicibus offusisse in Cluetiana. Hoc genus ἀποθλάνωμενοι Græci vocant.

N A M auditorum aures.] In Oratore, Semper, inquit, oratorum eloquentiae moderatrix fuit auditorum prudētia. Omnes enim qui probari volunt voluntatem eorum qui audiunt intuetur, ad eaque, & ad eorum arbitrium & nutum totos se fingunt & accommodant.

Q V A E ipsius orationis verborumque præcepta sunt.] Natura prius est inuenire, id est, cogitare quas res aliis significare velis: quas cum animo concepimus, simul etiam de ordine cogitatur. Postrema elocutio accedit, i. facultas, quæ res cogitatas suis verbis significantibus & recte iunctis effert, eu exponit.

G E N V S est eloquendi sua sponte fusum] Id est quotidianum, proprium, grammaticum, quo sicutum sicutum, scapham scapham appellamus. Huius generis præcipua cura esse debet.

V E R S V M atque mutatum] Videlicet cum non in uno tantum verbo translatio est ad vicinam significationem, sed passim oratio figuris conspersa est, quod cum sit mediocriter, laude dignum est: cum sit ambitiose & immodice, ingratum est. Discernit autem hæc genera, non quod in lõga oratione figuratus sermo proprio nō sit intertextus: sed vt moneat discrimen esse inter proprium sermonem & figuratum: seu inter quotidianum, & poetarum aut oratorum sermonem. Sumpsit autem Cicero has appellations membrorū ex Aristot. qui

λέξιν distinguit in εἰρημένῳ καὶ κοτεσφραγμένῳ, & alias in τετλασμένῳ καὶ τεφυκήσῃ, i.e. eloquendi genus natuum, & arte factum. Duo priora Trapezuntius vertit, orationem pendentem & conuolutā, sed aptius Cicero.

PRIMA vis est in simplicibus] Primum, inquit, sit copiosa suppellex simplicium verborum, ut hac instructus pleraque omnia suis verbis recte & signate eloqui possis. In propriis autem verbis, ut est in 3 de Oratore, illa est lais Oratoris, ut abiecta atque obsoleta fugiat, lectis atque illustribus vtatur, in quibus plenum quiddam & sonans inesse videatur. Atque hoc quasi solum quoddam atque fundamentum est, verborum usus & copia bonorum.

SIMPLICIA inueniēda.] Id est, eligenda. Nam ē medio sumū tur, non ab oratore pariuntur.

SIMPLICIA verba partim nativa] Videlicet propria: ut dicere oculum pro membro quo videmus.

QUEAE significata sunt sensu] In Oratore nativa definit, ea quae propria sunt & certa quasi vocabula rerum, pene vna cum rebus ipsis nata.

REPERTA, quae ex ijs facta sunt.] In libro de Oratore appellat ea quae nouamus & facimus ipsi: quorum quatuor subiūgit species. Hic nativa tantum dicit & reperta, in 3 de Oratore addit ea quae trāsferuntur, & quasi alieno in loco collocātur. Sunt autē reperta non tā cū rebus, quām ex vocabulī nata verba, ut quae vocantur denominatiua, verbalia, &c.

NOVATA aut similitudine.] Ut sunt metaphoræ, dicere in vitibus gēmam vel oculū, sic Scipionē allatrári à Catone, Liuius dixit. In hoc genere fugiendā esse dissimilitudinē, Crassus apud Ciceronē monet: ut quod Ennius dixit, Cœli ingētes fornices, dissimile est. In sphæra enim fornicis similitudo nō potest inesse. Addit, deinde videndū es se ne longe simile sit ductū. Syrtim patrimonij: scopulū potius, Charybdim bonorū, voraginem libentius dixerim, inquit. Facilius enim adea quae visa, quām ad illa quae audita sunt mentis oculi feruntur. Reliqua illic videris. Quidam hic similitudinē accipiunt ἀλογίας. Cuius generis essent audientia, perspicientia, numerabilitas, admirabilitas.

AVT immutatione] Sic legimus ex 3 de Orat. Tales sunt μετα-
νυμέναι, cū permutatio sit continētis pro re contenta: ut curiā pro se-
natū dicimus. Aut personæ pro re attributa: ut pro frumento Cererē:
pro bello Marte: liberū pro vino, Neptunū pro mari. Aut signi pro re
signata:

signata: ut fasces pro magistratu: togam pro pace, arma ac tela pro bello. Aut materiae pro re fabricata: ut ferrum pro ense. Aut partis prototo: ut puppim pro naue.

A Ut inflexione] Sic vocat eas μετωνυμίας, cū idē nōmen, sed alio casu usurpat: ut cū dicimus Superbia euertit Rempub. Luxuries in domū irrupit. Quo auaritia penetrauit. Fides valuit: Iustitia conseruit. Hic vitiū pro personis nominamus, superbiā pro superbis, auaritiā pro auaris, &c. At Romanus homo tamen, et si res bene gesta est, Corde suo trepidat: vbi Romanū pro Romanis dicimus. sic Galliam pro Gallis dicimus. Vince animos irāque tuā qui cætera vincis: quod de vnius Achillis animo dicitur. sic apud Claudianū, Nō labra rosæ, non colla pruinæ, non crines æquāt violæ: colla plurale pro singulari positū est. Huc quidā referūt deriuata sine analogia, quæ Græcis παγεῖούλαι dicuntur, i. traduēta: quia traducūtur in aliū casum, ut sunt, Decimare, Cōsulatus, Paludatus, Poetaaster: & verba imitationem significatiā: Philosophari, Laconizare, & quod Cicero dixit, Cæsar Syl laturit, id est, studet Syllæ regnum imitari.

A Ut adiunctione verborū] Hec vocat ἐπιθέτων. Crassus appellat nouata cōiungēdis verbis, & ex cōiunctione facta verba: ut, Versuti loquus, expectorat, belligerat, &c. Huc quoque pertinet periphrases, cū desunt propria, Stella crinita, Stella cadēs, Respublica, Bellū ciuile, Vagelibidines, cū genus nominamus vitiosum oppositū cōsuetudini coniugali: atrocious est, Incestē libidines. In his enim circuitione vtimur, cū propriū desit. Et sepe ad emphasis periphrasi vtimur, etiā cū non desunt propria. vt Liuius, Furialibus agitati stimulis, dixit, qđ breuius dicere potuisset, Agitati furijs. Cyclopica barbaries, hic pictura Cyclopū auget atrocitatē. Sæpiissime autem differentiē caussa queri epitheta necesse est: vt Tyrannica imperia, Politica, Paterna: Ef frenata cupiditas, Iuuenalis dixit, Ad generū Cereris sine cæde & sanguine pauci Descēdunt reges & sicca morte Tyranni. Siccam mortem opponit cruentæ.

NATVRA, vt sunt alia consonatiōra] Præceptū de sonis & splendore verborū, vt delectus adhibetur in verbis: primū, propria cuiusque rei vocabula eligātur: deinde, inter propria aut vicina anteferantur sonatiōra & splēdidiōra. Cōsonantiōra sunt, Tēpestas quā tēpus: Moderatio quā modestia, ea vocaliora Fabi appellat, i. clari, acutius, meliusque sonatiā, vt illud Tibulli, Ludit & asidue p̄lia miscet amor. Verbum ludendi leuitatē significat, & mollius est. deinde sonantiōs, Miscet p̄elia, quām, parit rixas. Propertius inquit, Frangit & attollit

vires in milite causa, Quæ nisi iusta subest, excutit arma pudor. Significantissima sunt, Frangit vires, & Excutit arma pudor. Quanto frigidius esset si sic diceres? Militibus pauidos animos mala reddere causa, Efficere audentes sed bona causa solet.

G R A V I O R A] Alias, Grandiora, quæ sublimiora Fabio dicuntur. Grandia implèt aures, & magis plena sunt. Vergilius, Regnatorē Asiae, grādīus, quām, regē Asię dixit. sublimius & illud Ciceronianum, In tuis illis immanibus poculis, quām, Magnis poculis.

L E N I O R A] Lenia & temperata penetrant mentem, & molli aures feriūt: Nisi eque, Spioque, Thaliaque, Cymodoceque, Cesaric effusæ nitidam per candida colla.

N I T I D I O R A] Nitidius erit, si dicas pro vacca bouem, & suē pro porco, ait Fabius.

A L I A contra.] Sono obscuriora & hebetiora: Ut, Vaccæ æneæ, coeuntibus vocalibus. Exiliora & humiliora: Ut, Exiguus mus. Asperiora: ut, Stabat acerba fremens: &, Hæc te lacerat, hæc te cruentat oratio. Sordidiora, vt si dicas, Morte Africani castratam esse Répub. aut, Stercus curiæ, Glauciam. Horum tamen vsus est, si suo loco apte inferantur, nec adfectate videantur aduocata.

T R A C tatione] Dixit de sonis & splendore, nunc de tractatione, id est, de vsu verborum, quibus orator aliter atque aliter vtitur.

C V M aut propria sumuntur rerum vocabula] Propria sunt quæ in vsu familiari sunt recte loquentium. Itaque eligenda est xtas optimæ loquentium, vt hinc iudicemus quæ sunt præsentia, quæ prisca, quæ noua vocabula. In lingua Latina eam ætatem intuebimur quæ fuit à Terentio usque ad Liuium. Et tamen alij aliis melius loquuntur: vt Cicero antecellit cæteris, Cæsar antecellit Sallustio.

A D D I T A ad nomen] επιθετα dicit & periphrases, de quibus dictum est supra.

A V T noua] Noua sunt Latinis, quæ post ætatem Ciceronis nata sunt, aut eo tempore nondum bene loquentibus frequentata. Nisi ergo vicina sunt ætati Liuianæ verba, vitanda sunt vt noua, vt quedam Plinij. Nam licentia sequentis ætatis post Quintilianum qua pro libidine quisque noua fingebat vocabula, nequaquam imitada est. Etsi autem in nostra religione nouis quibusdam est vtendum vocabulis, corpus tamen sermonis constet ex illa nota seculi Ciceroniani. Nā assidue sermonis corruptelæ adferunt obscuritatem.

A Vt prisca] Sint prisca nobis, quibus Cicero & eleganter loquentes Ciceronis ætate aut rarissime, aut nunquam vtebantur. Iis tamen loco

loco positis, ait Fabius, grādior atque sanctior oratio efficitur. Quālia sunt, Illius ergo venimus: & Exaque salsos porricit in fluctus: & apud Ciceronem, Mulctam irrogarat, actionem perduellionis intenderat. Crassus apud Ciceronem prisca citat, Qua tempestate Pœnus in Italiam venit. Proles, Soboles, Effari, Nuncupari, Non rebar, Haud opitulabar: quibus loco positis grandior, inquit, atque antiquior oratio sāpe videri solet.

A V T ab oratore modificata & inflexa quodam modo] Id est tropos, quos in genere vocat verba modificata & inflexa: quorum quinque species recenset. Alludit autem ad utrāque τρέψει significacionem & modi & conuersionis seu inflexionis.

Q V A L I A sunt ea quæ transferuntur] Visitate metaphoras vocamus, cum aliquid rei similis adpellatione significamus. Adhibentur autem metaphoræ velut picturæ, seu stellæ, vt lucem addant orationi: quod sit si apte & in loco, & non immodice spargantur in oratione: vt quam Virgilius ait, Inuadunt urbem somno vinōque sepultā: hic dicit sepultam pro dormitāte. Sed cum imago rei sepultæ incurrit in oculos, significantia negligentia & stuporis est illustrior. Trās feruntur autem verba, aut necessitatis causa: vt, Gemmant in palmitē vites. Aut significandi: vt, Telum manū fugit. Aut ornandi: vt, Magno inflammatus amore.

A V T immutantur] Secundam speciem, id est μετωνυμίας, vocat immutata, vt supra appellavit: & eadem visus est appellatione in tertio de oratore, vt Fasces pro magistratu, Bacchus pro vino: ferrū pro enī, Sceptrum pro regno, Arma pro bello:

A V T ea quibus tanquam abutimur] ηατα χεισ; seu abusiones hanc tertia specie vocamus: vt apud Virgilium, At sperate deos memores fandi atque nefandi: Sperate dixit pro timete, existimate vindices. Sic & certo consilio vt vitia tegantur abutimur virtutum non minibus, vt pro crudelitate dicimus severitatem, pro folidibus parsimoniam.

A Vt ea quæ obscuramus] Intelligit allegoriam & ænigma. Aristotle in Rheticis ait, Constituatur hoc, præcipuam esse virtutē orationis perspicuitatem. Habent tamen interdum in oratione locū obscure dicta. Est autem allegoria plurium verborum metaphora: vt, Margaritum nō est obiiciendum porcis. Pleroque sunt proverbiales, vt quod Tiberius ait contra immodicas expilations, Boni pastoris est pecus tondere, non deglubere: & apud Plautum de modo, Struēda esse mēnia pro opibus, & illud Ciceronianum pro Roscio, Nihil ma-

li est canes ibi quamplurimos esse, vbi permulti obseruandi, multaque obseruanda sunt. Rarissimus usus est enigmatum: Tale est illud Hesiodi, Dimidium plus toto: quod de laude mediocritatis dicitur.

QVAE incredibiliter tollimus] Quinta species est υψηλή, vt, Geminique minantur In cælum scopuli. Et Cicero ait de Verre, In Sicilia non fuisse vt tyrannum, quales fuerunt Phalaris aut Dionysius, sed tanquam Scyllam aut Charybdin. Et pro Marcello, Parientes mediussidius tibi gratias agere gestiunt. Huc pertinent quoque virtutes contentionis insigniores & illustriores: quale illud de Pompeio, Cuius in viri vita nitebatur salus ciuitatis. &, Qui ea virtute ac sapientia est, vt ea semper potuerit, quæ nemo præter illum. Illud est quod sequitur, de mirabilius quam consuetudo patitur, ornando.

DE coniunctione quæro] De compositione orationis seu structura, de coniungendis verbis deque collocandis. Duabus rebus constare coniunctionem dicit, numeris & consecutione, id est cohærentia. Sed naturæ ordine prior est consecutio & cohærentia, quæ corpus est in quo numeri sunt, velut in machina motus, aut interualla certa. Primū enim sermonis puritas conseruari debet, deinde affungi concinnitas ad aurium comparandam oblectationem.

NVMEROS aures ipsæ metiuntur] ένθμους dicit, id est libiores mensuras magna ex parte pedibus constantes, sed tamen quæ admittant syllabas redundantes. Nam metra, quæ Latinis carmina sunt, certis pedibus ligata sunt, & ad poetas tantu[m] pertinent. De rhythmis qui sunt oratorum, certa præcepta dari non possunt, vt de versibus. Qui natura ad eloquentiam magis idonei sunt, & amant re &c dicendi studium, considerent exempla Ciceronis, & aures suas ad illam concinnitatem assuefiant. Proderit & Liuij orationem in hoc genere spectare. Cæteri sunt horridiores.

NE aut compleas verbis quod proposueris] Numerosam orationem facile is efficiet, qui texere periodos didicerit: Periodus seu circuitus, seu circuicatio coniungit plura cola particulis rationalibus, causalibus, relativis, comparatiuis, aduersatiuis, interdum etiam copulatiuis. Colon Latine membrum dicitur, quod est unica integra sententia. vt, Doctrina exuscitat rudes ad diligentiam, & fletit ad moderationem. Partes autemcoli vocantur commata: vt hic duo sunt commata, Doctrina rudes animos ad diligentiam exuscitat: alterum est, Et fletit ad moderationem. Periodorum apud Ciceronem, ubique obvia sunt exempla, ac præsertim in exordiis, quibus haec quasi tardior & sedatior orationis forma conuenit. Nec tamen semper utendum est

est periodis, sed miscenda sunt cola. In narrationibus, in contentiōnibus ac disputationibus crebriora sunt cola. In libris philosophicis minus est periodorum, quam in orationibus. Periodi ductus per se concinnitatem quādam efficientis sit exemplum illud pro Archia: An cum statuas & imagines non animorum simulachra, sed corporū studiose multi summi homines reliquerunt: consiliorum relinquere ac virtutum nostrarū effigie nonne multo malle debemus, summis ingenij expressam & politā? Hoc est illustre exēplum numerosæ orationis, ex quo facile p̄cepta intelligi poterunt. Initio hoc potissimum seruandū est, initia vt habeant pedes longiusculos: finis claudatur longis dictionibus & longis pedibus: media sint mixta breuibus & longis. Suntq; grati pedes, Anapæsti, dactyli, cretici, seu iābi mixtis spōdeis. vt in periodo quā recensui, initio spōdæus est, An cū: postea anapæsti, iābi, Statuas & imagines: deinde dactylus, spōndæus, anapæstus, iābus, creticus. Non animorū simulachra, sed corporū. sequitur anapæstus, duo spōdæi, anapæstus & epitritus, Studiose multi summi homines reliquerunt: ita primū colon absoluitur, & in longū pedē subsidit, quod aures maxime approbant. Alterū colon mixtū itidē est, dactylis, iābis, spōdeis, anapæstis, ac subsidit in ditrocheū. Et politā. Ac si quis p̄ceptū aliquod desiderat, sciat fieri compositionē plerunque maxime æquabile, si senarijs, aut septenarijs, aut octonariis iambicis cola sint similia, ita tamē, vt vna aut pauculae syllabæ redundant: aliqui in oratione vitiū eset. Cicero pro Marcello, Quos amissimus ciues, eos Martis vis percudit, non ira victoriae. Si primā syllabā omittas, septenarius iābicus erit, Amissimus ciues, eos Martis vis percudit. Et rursus initiū iābici, Non ira victoriae. Et in fine longus pes est epitritus. & in principio gratissimus pes est trisyllabus longus, Quos amissim⁹. Plura vide apud Ciceronē de Orat. & in Orat. itēq; in Bruto.

A VT redundes.] Cauendum est, vt Crassus monet, ne circuitus verborum aut breuior sit quam aures expectent, aut lōgior quam vires atque anima patiatur.

CONSECVTIO autem] In loquendo admittendū est vt perspicua & coharentia dicantur, id est, vt iusta & obseruata syntaxi, quam vocant, sentētia apte reddatur finita: deinde alia congruēs ad rē sequatur. Qua in re multi qui etiā de rebus magnis dicūt obliuiscuntur sui, & miscēt ac coaceruāt quę sunt aliena à p̄posito: vt in oratione Marij apud Sallust. Et illud intelligo, Quirites, omniū ora in me cōuersa esse, equos bonosq; fauere (quippe beneficia mea Reip. procedūt) nobilitatē locū inuadēti querere. Media parēthesis obscuritatem ad-

fert, quę & ipsa vitiosa est. Nā inusitato verbo dixit, Mea beneficia Reipub. procedunt, quod Græcē dictū videtur, ὡργῷ αρρενός. Itēque illud, Nobilitatem locum inuadendi querere, ambigua constructione effertur. Sententia autem hęc est, Intelligo bonos ideo mihi fauere, quia me de Repub. bene mereri constat, seu quia mei labores sunt Reipub. vtile & salutares: Nobiles vero insidiari, &c. Flagitat igitur consecutio, & syntaxin iustum, & rerum ordinem congruentem, ne sit oratio quędam coaceruatio temeraria. Cuius rei artifex eximi⁹ est Marcus Tullius apud Latinos, & apud Græcos Demosthenes, quo rum orationes & formam dicendi si consideremus, recte eos intelligemus, & magis coharentia ipsi scribemus.

N E generibus.] Generibus hęc est oratio perturbata, Vastabat agros, regionem populabatur, multique mortales ab eo cædebat: ubi verbi genus est immutatum: pro eo quod est, Multosque mortales trucidabat.

NVMERIS.] De numerorū perturbatione hoc sit exemplū, Inno centes dānat, nocētes absoluūt, pro eo quod est, nocentes absolvit.

TEMPORIBVS.] Ut illud Terentianum, Principio amicum filio restitueris, Illi generum firmum, & filiæ inuenies virum. Restitueris & inuenies ἀναδόλαθος.

PERSONIS.] Ut illud Persij, Secuit Lucifius urbem, te Lupe, te Muti, & genuinum fregit in illis.

C A S I B V S perturbetur oratio] Casuum perturbationis hoc sit exemplum, Cluentius fuit pater huiuscē iudices, huic homini munici pium fuit Larinum, ab eo filia nubilis relicta, pro quo dicendū fuit, Cluentius fuit pater huiuscē, iudices, homo municipij Larinatis. Is reliquit filium grandem, & nubilem filiam.

Q V O D nō est latinū] Id vitij vocat barbarismū, & qđ nō est cōse quęs solōcismū: illud ad simplicia, hoc ad coniuncta verba pertinet.

C O M M V N I A autem simplicium] Addit orationis alias virtutes, nam supra de duabus dixit, consecutio & concinnitate. Dilucidum intelligentiam adiuuat. Breue non grauat memoriam, nec tedium parit. Probabile fidem facit. Illustre mouet auditorē resque magnas amplificat, & sub oculos ponit. Suaue conciliat, & facilius in animos auditorum intrat.

D I L V C I D V M fit vſitatis verbis] Virtus orationis prima & omnium præcipua est perspicuitas: quam vt assequamur verbis vſitatis vti iubet. vſitatis inquam, iis qui recte & pure locuti sunt. Itē proprie loqui, nam maxima pars orationis debet contexi ex proprio sermone,

mone, & fugienda est Asiatica dicēdi ratio, in qua penē omnia per pē
riphrases dicuntur. Seneca de Portio Latrone scribit, Non placebat
ei orationem infletere, nec vñquam recta via discedere, nisi cum hoc
aut necessitas coegeret, aut magna suassisset utilitas: summamque de-
mentiam esse dicebat, detorquere orationem, cui rectam esse liceret.
Addit Cicero, si sint verba disposita, id est, vt vitentur hyperbara &
ineptæ perturbationes syntaxeos. Item ne rerum ordo dissentiat à
natura seu communi sensu & rectis iudicijs.

A V T circumscriptione conclusa] Id est, vt sint intertexte suis lo-
cis periodi, quod Crassus dicit, Ne fluat oratio, ne vagetur, ne insistat
interius, ne excurrat longius, vt membris distinguitur, vt conuersio-
nes habeat absolutas.

A V T intermissione, aut concisione verborum] Id est, sint suis lo-
cis cola, & distincta membra commatis. Intermisionē intelligunt
alij prætermissionem. Volenti enim tueri perspicuitatem, necesse est
quædam omittere, nec omnia quæ quoquomodo videntur addi pos-
se, recitare. Intermisionem accipimus membrum (id Græcis κῶλεψ
dicitur) quod ad periodum non perueniat. Concisionem vero, inci-
sum, κόπια, quasi partē à membro trahit. Hoc preceptū etiam est in
tertio de Oratore: Neque semper, ait Crassus, vñendum est perpetui-
tate, & quasi conuersione verborum, sed sāpe carpenda membris mi-
nutoribus oratio est, quæ tamen ipsa mēbra sunt numeris vinciēda.

O B S C V R V M autem] Fabius interpretatur: Sunt nonnulli qui
superuacua loquacitate scatent, omniaque cirkuloquuntur: quo fit vt
prolixissimas efficiat periodos & obscuras. Alij studio breuitatis ver-
ba orationi necessaria subtrahunt. Vtrique sunt in vito.

A V T ambiguitate] Ambiguitas, ait Fabius, est in oratione. οὐσί-
νη in dictione multas res significat. Vtraque efficit obscuritatē.
Apud Sallustium, Gloria industria alitur: vbi eam demperet, ipsa per
se virtus amara atque aspera est. Non admonitus lector hic dubitare
possit, an industriam dicat ali gloria, an vero gloriam industria. Sed
scias, gloria esse ablativum.

A V T inflexione atque immutatione verborum] Inflexionem &
immutationem verborum vocat ineptas metaphoras, aut alias figurās
inusatās & duriores. vt ineptum est illud, lacentis elemēti terga cri-
spantur, prō eo quod est, Maris vnde seu fluctus centur aut agitātur.
Et quod Politianus usurpat, Ferruminare amicitias, id est, Animorum
coniunctionem maiorem efficere.

B R E V I T A S conficitur] Fabius ait laudabilem esse integrām
C. 3

breuitatem, non eam quidem cui quidpiam desit, sed eam in qua nihil redudet. Breuitati opponitur πόλυτος ολογία, ταῦτο λογία, ματαιόλογία. Itaque illa Laconica breuitas non est imitanda, quae & obscura est, & à vita communis consuetudine abhorret. Breuis esse laboro, ait Horatius, obscurus fio. Cauendum item ne sint mutile, & trūcatæ syntaxes aut sententia: vt interdum apud Sallustium & Pliniū. Ut in p̄fatione belli Iugurthini, Verum magistratus & imperia minime mihi hac tempestate cupienda videntur: quoniam neque virtuti honos datur, neque illi quibus per fraudem ius fuit, vtique tuti, aut eo magis honesti sunt. Postremum membrum, quia pene truncatum est, fit obscurius: id est, Fraude adepti honores, non tamen tuti sunt, aut honorati: quia virtute aut auctoritate retinere ciuum aut exercituum voluntates nō possunt. Non enim diu parent homines tyranni & violentis imperijs.

SIMPPLICIBVS verbis] Detractis epithetis, periphrasi, & exaggeratione summota, cōtractisq̄e nonnunquam ad vnum verbum sententijs. Eum per quem hanc lucem inspexisti, hac luce priuasti, cōtrahe, Patrem occidisti.

SEMEI vnaquaq; re dicen.] Sublatis repetitionibus, geminationibus, commorationibus, expolitionibus, &c. quæ rem vnam varie enunciant atque amplificant. Quousque tandem abutere Catilina patientia nostra? quādiu nos etiam furor iste tuus eludet? quē ad finē se effrenata iactabit audacia? Tres has sententias rē eandē indicātes, vna aliqua cōprehendas, Quis tandem Catilina finis erit audaciæ tuæ?

M V L I rei, nisi vt dilucide dicas, seruiendo] Si propriis verbis vtaris, vistatis, dispositis. Exempla in Commentariis Cæsaris huius generis innumera sunt.

PROBABILITATE autem genus est orationis.] Probabile Fabius exponit, quod neque est minus neq; plus quam decet! Ut enim in formis nativa sicutis antecellunt, ita in oratione plus est auctoritatis & gratiae, que nativū dec̄ habet, quam quæ accersitis peregrinis coloribus, picta est. Ideo hic tria requirit, nō nimis comptā orationē, pōdera in verbis, & sententias aptas vitæ communi.

S I non nimis est comptum] Si non immodeice ornata est oratio, sed propria, verecunda, & nativa.

S I est auctoritas & pondus in verbis] Si lecta sunt verba, quæ magnitudini rerū, quantū fieri potest, respondeat. Ut si de Catilina dicas, nō satis est tenuiter dicere, Catilina est inquietus ciuis: sed augēda est atrocitas, Catilinā furię exagitāt ad euertendā patriā, ad delendā arcem imperij orbis terrarum. Hæclamina maxime sumuntur à causis

causis & circumstantijs.

S I Sententiæ graues vel aptæ opinionibus hominum] Hoc præce
ptū admodū vtile est, vt vitetur paradoxæ, nouæ, prodigiosæ & absur-
dæ sententiæ, quales sunt Stoicorū & Epicureorū, quæ et si habet admi-
rationē apud indoctos, tamē quia sunt simpliciter cōmentitię & ina-
nes, nō possunt placere sanis & prudētibus. Ideo vtendū est veris, re-
ctis, honestis materijs, quæ etiā sua natura gignūt splendidā orationē:
vt ait Fabius, Nihil non ornat dicitur, quod honeste dicitur. Itaque
ad rerū doctrinā studiosos hortatur, quibus nisi fontes rerum de qui-
bus est dicendum noti sint vt cuncte, apta & conuenientia proposito
dicere non possunt. Nam vt Socrates apud Platonē ait, Nemo potest
in eo esse eloquens, quod non intelligit.

ILLVSTRIS autē oratio est] Ut p̄spicua sit oratio semp̄ est efficiē
dū: sed vt sit illustris seu splēdida, ornata metaphoris, hypotyposisib⁹,
& amplificationib⁹ nō semper est necessariū. Illustrē plus est quām
perspicuū. Nā illud est nitidius & splēdidius. Perspicuū dat intelligē-
dū: Illustrē tanquā in rē præsentē dicit. Apud Poetas facile est exem-
pla huius formæ ostendere: vt apud Virgil. 8 A Encl. de Cyclopibus,
Ocyus incubuere omnes, &c. & apud Statiū de Achille inflammat⁹
amore puellæ regis, quæ simplex fuisset oratio, Non latet haustus a-
mor, sed rursum crumpit in ipsum Vultum, ea per hypotyposin, caus-
as & effectus exprimentem, venustissime ornatur,

Non latet haustus amor, sed fax vibrata medullis

In vultus atque ora redit, lucemque genarum

Fingit, & impulsam tenui sudore pererrat:

Lactea Massagetae veluti cum pocula fuscant

Sanguine, puniceo vel ebur corrumpitur ostro :

Est insigne exemplū huius generis apud Liniu lib. 9 tertiae decadis:
vbi accusatur Pleminius præfetus Locrensis, & propter loci vicini-
tatiē confertur ad Scyllam, quæ fuit scopulus in vicino mari Siculo.
Itē lib. 8 pr. decadis: Vbi Papyrius dictator accusat Fabiū magistrum
equitū, q̄ se absente contra edictū suū dimicasset. Tales causa sua ma-
gnitudine suppeditant splendidam orationem, vt inquit Euripides.

S I & verba grauitate delecta ponūtur, ac trāslata] Primū iubet gra-
uiora verba eligi, vel propria, vel trāslata. Et si autē differentia magis
conspici potest in translatis, tamen & propria alia alijs sunt pleniora
aut atrociora: vt contumelia plus habet atrocitatis quām iniuria. Plus
est si dicas, Turci immanem sæuitiam exercent in captiuos, quām si
dicas, Captiuū duriter tractantur. In translatis insigne exemplū est,

Inuadunt vrbem somno vinoque sepultam:
Id multo plus est, quam dicere, Sopitam. Plus est si dicas, Sycophantæ
inflammant odijs regum animos aduersus piam doctrinam, quam si
tantum dicas, Alienant regum animos.

ET superlata] Secundum præceptum, Utendum est interdum hyperbolis, quas Cicero vocat superlata. Ut Dido inquit,
Littora littoribus contraria, fluctibus vndas. Vult etiam que sensu ca-
rent, inter se hostilia odia exercere. Et dicere Fulmina verborū, pro
vehementi oratione. Tale illud apud Vergilium de cyclopibus, Vnum
omnia contra Tela Latinorum. Et in Antonium, Is frustis esculentis,
vinum redolentibus, totum tribunal impleuit, & in Philip. 2, de bo-
nis Pompeij, Oceanus medijs fidius vix videtur tot res, tam dissipatas,
tam distantibus in locis positas, tam cito absorbere potuisse.

ET ad nomen adiuncta] Tertium præceptum, Utendum est inter-
dum crebris epithetis: sic enim haud dubie vocat ad nomen adiuncta:
vt plus est si dicas, Neronianam sauitiam, quam si simpliciter nomi-
nes crudelitatem. Huc & periphrases pertinent & metonymiae, vt
pro Viuere, Ducere spiritum: pro Luxurioso, Sardanapalum, aut Apitum:
pro crudeli, Phalaridem, aut Cyclopes: pro astuto, Vlyssem,

ET duplicata] Quartum præceptum, Utendum interdum repeti-
tione. Haec intelligo vocari duplicata: vt AEneidos 4, Imprecor ar-
ma armis, & illud, Aspicite, aspicite, iudices, squalorem sordesque so-
ciorum. Me me, adsum qui feci, in me conuertite ferrum. Sunt qui e-
tiam coniuncta intelligent, quæ Aristoteli $\Delta\lambda\alpha\delta$ dicuntur. Hunc a-
grum tu compransoribus tuis & collusoribus diuidebas. Duplicatum
esse volunt compransor, quod, quia alio verbo simplici exprimi res
non potuit, illustre sit.

ET idem significantia] Quintum præceptum, Utendum ea figu-
ra, quæ interpretatio dicitur, cum synonymis crescit oratio: ite eo-
ceruatione. Interpretatio est Philip. 13, Quem discordia, quem cedes
ciuium, quem bellum ciuile delectat, cum ex numero hominum ejusdem
ex finibus humanæ naturæ exterminandum puto. Bellum ciui-
le non aliud est, quam discordia & cedes ciuiū. Coaceruatio est: Ver-
res iniuste inuasit in fortunas prouincialium, rapuit multorum coniu-
ges ac filias, innocentes incitatus avaritia aut iracundia interfecit,
spoliauit fana, trucidauit sacerdotes, sauit & in domesticos.

ATQVE ab ipsa actione atque imitatione rerum non abhrore-
tis] Sextum præceptum, Inserenda sunt hypotypeses, incidentes in
oculos, vt illud Claudiiani, ubi laudat formam sponsæ Honori,

Non

Non labra rosa, non colla pruinæ,

Non æquant crines violæ, non lumina flammæ.

Et illud Virgilij, Sonat icta bipennibus ilex, & de turri cadente, Ea la-
pla repente ruinam Cum sonitu trahit: quæ ita enunciantur, ut sensus feriant & coram geri videantur. Sunt enim verba quæ eorum actio-
nem quasi præsentem demonstrant. Tu diadema imponebas cum plâ-
gore populi, ille cum plausu reiiciebat. &, Non expectas dum te sti-
mulis fodiam? Hæc te, si villam partem habes sensus, lacerat, hæc crue-
tat oratio.

QV AE rem constitutat pene ante oculos] Alias nominat subie-
tionem sub oculos: quidam repræsentationem, Græci ὑποτυποσις
& εἰδέγεισσι.

IS enim sensus maxime attingitur] Nam segnius, ut ait Horatius
iritant animos demissa per autrem, Quam quæ sunt oculis subiecta
fidelibus. Et dum spectant oculi laeos adiuntur & ipsi.

IL V STR E quam illud dilucidum.] Græci distinguunt hoc
modo: Perspicuum seu dilucidum vocant σαφὲς, at splendidum seu
illustre, λαμπρὸν. illud tantum patet, hoc etiam se ostendit: illud se-
gnius est, nec extorquet sed precario petit. hoc in oculos incurrit, &
tanquam præsens quod abest menti offert.

SVA VE autem genus erit dicendi] Quid vocet suarem oratio-
nem melius intelliges, si contraria exempla conferas. Suavitati duo ge-
nera opponuntur: Atrox propter materiam, & Horridum propter ver-
ba. Atrox est cum facta immania & gestus terribiles recitantur. Ea
materia gignit tristem orationem, quæ placide nunquam audiri pos-
sunt, sed excitant acres motus. Talis est descriptio Didonis apud Vir-
gilium, sibi mortem conscientis: apud Tragicos Herculis furentis,
& vxorem liberisque trucidantis: apud Liuum lib. 8, i, decadis, Ale-
xandri Epitomæ discripti. Ut suavis sit oratio, hæc tristia prætermi-
tantur, & deligantur res naturæ conuenientes, præsertim virtutes que
propriæ sunt civilis & tranquillæ vitae, quas humanitatis nomine co-
plectimur: vt iustitia, modestia, verecundia, bonitas & aliæ cognatae:
item res pulchræ, vt formæ bonæ, campi vernantes, tempora,
&c. generis eiusdem. Hæc ad res pertinent. Alterum genus su-
avitati contrarium, non in rebus, sed in verbis versatur: vt cum res po-
pulares & gratae horridis verbis exponantur, insuauæ orationis gen-
us est & horridum. quale dicendi genus est in chronicis vulgaribus, & in
superioris huius ætatis philosophorum libris. Itaque cum eleæ sunt
honestæ & gratae materię, proprio, perspicuo & nitido sermone reci-

tandæ sunt: aspergenda mediocria ornamenta, metaphoræ dulces, similitudines, collationes contrariorū. Talis est epistola Ciceronis ad Serenum, in qua filiæ morte deplorat. Hic primum res sunt honestæ. Ipse suam ~~soegylū~~ erga filiam depingit, & cum dolore de interitu filiæ coniungit dolorem de rep. Deinde oratio prorsus nihil habet accersti ornatus: nec sunt multæ aut longæ periodi, sed colla apte cohaerentia. Ac multum gratiæ habet ipsa hæsitatio, qua nunc admittit, nunc reiicit consolationem. Admittit hic, Me autem non oratio tua solum, & societas pene ægritudinis, sed etiam auctoritas consolatur. Postea disputat contra consolationem, Sed opprimor interdum, & vix resisto dolori, quod ea me solatia deficiunt, quæ cæteris, quorum exempla mihi propono, simili in fortuna non defuerunt. Postremo quantum πάθος est, cum inquit: Aspicere curiam non poteram. Existimabā id quod erat, omnes me industriæ meæ fructus & fortunæ perdidisse. Similia obseruent studiosi, & imitentur.

D'E IN D'E coniunctione quæ neque asperos habeat [cōcursus] Initio præcipit ne vocabula sint aspera, sed lenia: & ne confragosa sit structura, sed fiat compositio mollior. Verba aspera sunt & stratura confragosa, Lurida terribiles miscent aconita nouercæ, ybi & rei atrocis mentio fit. Deinde vetat longas periodos texere, quæ obscuritatem adferunt, & significant ostentationem: sicut quoque ingratæ: quia verecunda & modesta oratio plus delectat sanos auditores. Ideo Xenophontis oratio semper in admiratione fuit, propter sententias honestas, verba plana, & compositionem similem vernaculo sermoni, nihil habentem ostentationis.

HABEANT QVE similitudinē æquabilitatemq; verborū Sche mata requirit, αὐτιστα, cōtraria relata contrariis. Exemplū optimū in Miloniana de lege Naturæ: Est enim hæc, iudices, non scripta, sed nata lex: quam non didicimus, accepimus, legimus, verū ex natura ipsa arripuiimus, hausimus, expressimus: ad quam nō docti, sed facti; nō instituti, sed imbuti sumus. In hac descriptione, res, verba, schemata, & numeri miram suavitatē efficiunt. Nā rerum dignitas grata est, de natura hominis, q; nascentes nobiscum adferamus notitias de rebus honestis & turpibus. Deinde verba lenia sunt, & antithesis lucem addit. Postremo numeri, pænas maxime sunt sonantes. Non didicimus, accepimus, legimus, arripuiimus, hausimus, expressimus.

P A R I A paribus respōdeant] ισόκωλα dicuntur: vt pro Cluétio, Falsa inuidia dominetur in cōcionibus, iaceat in iudiciis; valeat in opinionib; ac sermonibus imperitorū, ab ingeniis prudentiū repudietur.

R E L A T A Q V E ad idem verbum *ζεύματα*, quas adiunctiones auctor ad Herennium nominat. Africano virtutem industria, virtus gloriam, gloria æmulos comparavit.

E T geminata, atque duplicata, vel etiam sæpius iterata ponantur.] Eæ sunt variæ repetitiones: vt in traductione, *Qui nihil in vita iucundius habet vita, is non potest cū virtute vitam agere.* Cicero pro Murena, *Sit denique in ciuitate ea prima res, propter quā ciuitas est omnium princeps.* Hic insunt ipsis figuris arguta enthymemata.

C O N I V N C T I O N I B V S copuletur, tum dissolutionibus relaxetur] Intelligit πολυτάθλητον, & ἀστράτευτον. vt, Et vidi, & magno dolore affectus sum, & contendi omnibus animi atque ingenij viribus, vt misero aliquid opis adferrem. Itē, Ferte citi flamas, date tela, impellite remos. & pro Ligario, *Quis sensus erat armorum tuorum? quæ tua mens, oculi, manus, ardor animi?* &c.

F I T etiam suavis oratio, cū aliiquid aut inuisum] Suavis, inquit, oratio fit, si res nouæ & mirandæ eligantur: vt cū historiæ inseruntur: vt Demosthenes cōtra Timocratem recitat historiam de lege Loquens, narrans nō licuisse nouam legem suaderi aliter, nisi ita, vt suasori dicēturo laqueus circa collum circundaretur, qui constringeretur, si lex non placuisset. Tales dulcissimæ narrationes in libris Ciceron. Philosophicis sunt: vt in 2 Offic. de Arato Sicyonio: in tertio de Gyge, de Damone & Pythia. Gratissimæ etiam sunt animantium descriptiones, vnde & poetæ similitudines sēpe sumunt: vt Leonicedenti Turnū fugientem confert Virgilius 9 AEneid. & Homerus fugientē Aiacem Asino incidenti. Item noster Daniel Macedonicos reges Pardali. Quales descriptiones & imagines in loco usurpatæ & orationem suauiorem faciunt, & ornant: prodēstque studiosis in talibus exemplis & vim inueniendi & stilum exercere.

M A X I M E Q V E mouet ea quæ motum aliquem animi miscet oratio, quæque significat) Fit quoque oratio suadis, si orator de sua voluntate & de suis moribus ea dicat quæ significant iustitiam, bonitatem, modestiam. Cuius exemplum est in oratione Demosthenis, vbi refutat AEschinem exprobrantem ipsi fortunam: dicit, crudelitatem & insaniam esse, exprobrare homini fortunam: cum nemo sciat an sibi fortuna ad vesperam eadē futura sit. Hęc quia sunt vera, honesta & cōgruentia modestiæ, sunt grata. Sic Cicero pro Murena, purgat se de amici officio. Vbi etiam de Catonis severitate loquens, ait eam exasperatam esse Stoica doctrina, & vellet esse mitiori genere doctriñæ temperatam.

A V T inflexione sermonis] Id sit urbanitate quadam & dissimulatione comi, ne hominis vani esse videatur, aut alterius laudes tollere, aut suas minuere. Tale est illud Ciceronis pro Cornel. Balbo, Et succedo orationi, quæ non præteruecta sit aures vestras, sed in animis omnium penitus insfederit: vt plus voluptatis ex recordatione illius orationis, quā non modo ex mea, sed ex cuiusquā oratione capere possitis. Hic se imminuit comiter, vt Pompeū Crassumque qui pro Cornelio ante dixerant, augere possit.

Q V AE orationem aut magis obscuram.] Propter inflexiones immutationesque verborum, ac alias figuræ, quæ in hoc genere ad ornandum adhibentur, ab vñstata ratione dicendi recedentes.

A V T minus probabilem] Ut cum ornamenta liberiora adferuntur, quæ probabilitatem minuant. Nam probabile non nimis compatum esse atque expolitum, sed pondus verborum & grauitatem sententiæ requirit.

D E conuersa oratione atque mutata.] Hæc ornata & ampla oratio, quam vocat conuersam, ab illustri forma differt, quod hic plus additur amplificationum & figurarum. Facilius hæc tota ratio in poetis exemplis agnoscitur. Mediocris est propositio Virgilij, Arma virumque cano, Troiæ qui primus ab oris Italiam fato profugus, Lauinaque venit Littora, multum ille & terris iactatus & alto, & cætera. Nihil hie vides esse accessiti cultus. At propositio Thebaidos multo est elatior, & habet periphrases grandes,

Fraternas acies, alternaque regna profanis

Decertata odiis, sonesque euoluere Thebas

Pierius mēti calor incidit. Pro verbo cano, dixit, Pierius menti calor incidit euoluere, &c. Plurima è Lucano exēpla sumi possunt, ut in exordio, Itusque datum sceleri canimus: quod simplex fuisset, Contemptum iuris. Sequitur, In sua viscera, cum simpliciter dicere potuisset, Mutuis vulneribus cecidisse populum. Addit cum recēset causas belli ciuilis, Obēratos miserere, id est, turbare fidem ruinis mudi, i. potius concutere bello ciuili totum mundum, quām seruare fidem creditoribus. Id his verbis vñstatis dictum, minus grande videtur, quām cum Lucanus inquit, Mundique ruinæ Permisenda fides, &c. Talia exempla & propter orationis varietatem, & propter sententias, in auctoribus obseruare vtile est.

A V T ex verbo dilatetur.] Verbum dilatatur, ut cum pro his duobus, Aulæ non sunt fideles, dicit Seneca,

Non intrat vñquam regium limen fides.

A V T in verbum contrahatur oratio.] In vnum verbum contrahitur oratio, cum vno nomine fati significamus consilium Dei gubernantis & actiones nostras, & earum euentus, vt cum dicitur, Fata viam inuenient.

E X verbo, cum aut proprium,] Cum proprium, vel synonymum vel metaphora explicatur. Id sit cum pro vno eorum aut periphrasis, aut interpretatio, aut distributio, aut aliae expolitiones adferuntur. Simplex est, Tyrannides non sunt diuturnæ. Adde periphrasin, Imperia iniusta, crudelia, quæ vim atrocem naturæ hominum inferunt, iusta iracundia homines armant ad defensionem eorum quos natura ipsis tuendos commendavit. Vnum verbum est impius, at dilatatum est in Milonianæ per distributionem: Qui nullam vim cœlestem existimat numinis diuini. Satis erat, sed additur distributio: Quem neque imperij magnitudo, neque sol ille, neque cœli & signorū motus, neque vicissitudines rerum atque ordines mouent.

E X contractione cum aut definitio ad vnum verbum] Formas tradit contrahendæ orationis, vt supra dilatandæ. Primus modus est, pro longis definitionibus vti eo quod definitur verbo: quod tum commodius fit, cum illa vox plus atrocitatis & lucis habet quam definitio: vt ad Atticum lib. 10, Nec iam recusat, sed quodammodo postulat, vt quemadmodum est, sic etiam appelletur tyrannus. Vno verbo plus atrocitatis significauit, quam si dixisset, Princeps qui iniuste rapta dominatione oppressit Rempubl.

A V T assumpta verba remouentur.] Correctionem hic non nulli intelligunt, vt est hæc, Non furem, sed ezeptorem: non adulterum, sed expugnatorem, &c. in tertia Verrina. Sed id ad contractionem non pertinet: ideo alia interpretatio querenda est. Arbitror Ciceronem loqui de periphrasi, synathrismo, expolitione, & cæteris figuris contrahendis in verbum vnum, si plus lucis habeat & atrocitatis, quam idem oratione explicatum: vt apud Ciceronem ad Atticum, atrocius est cum ait, Dubium est utrum Phalaridis more, an Pisistrati, regnaturus sit, vbi differentiae tyrannorum ab exemplis illustribus sumuntur: quam si pluribus dixisset, dubium esse, an Cæsar pro sua libidine interfectorus sit honestos ciues, mutaturus totam formam reipubl. & aboliturus iudicia & leges, an vero moderate vstrus summa potentia, ita vt formam magistratum & iudicia tueatur.

Item cum Virgilius dixit, Et campos vbi Troia fuit, vno verbo urbem oppugnatam, direptam, funditusque deletam, ne ruderibus quidem relictis, significauit. Nisi malimus figuræ intelligere,

ένλειψιν & reticentiam: Ut, Egóne illam? quæ me? quæ non? & Quos ego: sed motos præstat componere fluctus.

A Vt in circuitus rediguntur] Tertia forma est, colligere in vnam periodum præcipua argumenta, vt maxime sit in epilogis. Hæc forma ad pompam & splendorem maxime accommodata est, quia periodi propter numerosam coagmentationem, & aptos exitus, per se magnam gratiam habet, & rationes antea prolixè tractatas apte repeatunt. Ut si de bello Turcico in Epilogo dicas: Si liberos vestros in turpissimam seruitutem, si coniuges, & filias vestras ad stupra rapi, si deleri funditus familias vestras, si hanc formam honestam iudiciorum & gubernationis politicae, si lucem cœlestis doctrinæ in terris extingui non vultis: necessæ est tandem vos serio & vere consentientibus studiis & voluntatibus reprimere grassantem hostem, & vobis exitium, & Ecclesiæ vastitatem minitantem.

A Vt in coniunctione sit vnum verbum ex duobus] Sæpe aliquid composita voce significantius effertur & illustrius quam simpliciteri cum id necessitas non requirit. Administri libidinum. Compransoribus tuis & collusoribus diuidebas. quod & contractius & illustrius quam si id non coniunctis ipsisque pluribus dixisset. Id Græcis facilius est quam Latinis. Nam Græci compositis abundant. Ut illustrius est dicere vna voce θεα σύστελος, quam petulantem in lacefendo, & pauidum ac imbellem in sustinendo hoste. Sic illustre est quod ex Ennio citat Cicero, Flexanima eloquentia.

Vt cum semel dictum sit directe, sicut natura ipsa tulerit, inuertatur ordo] Sic Philippica secunda, primum directe, deinde sursum versus dixit, Sustulit illum diem fortuna populi Romani, tum etiam tuum de auspiciis iudicium interitus Cæsar is sustulit. Commutatio ordinis verbi sustulit, commutatam orationem fecit. Pro Muræna inuersio est, sed per contraria. Nemo enim fere saltat sobrius nisi forte insanit: neque in solitudine, neque in conuiuio moderato atque honesto. Intempestiu conuiuij, amoeni loci, multarum deliciarum comes est extrema saltatio.

D E IN D E idem intercise atque permiste] Intercise dicimus, cū veluti medium periodum secamus, & verba aut prima aut ultima in medium inculcamus: vt, Vestrum iam hic factum deprehenditur P. C. non meum, ac pulcherrimum quidem factum: verum, vt dixi, non meum, sed vestrum. Permixte dicimus cum variis modis ordinem dictionum commiscemus. Sic enim hæc duo distinguunt. Pro Cornelio, Sin autem multorum virtus, industria, ingenium, humanitas,

ex infimo genere & fortunæ gradu, &c. Eadem permisit paulo post repetit: Est autem hoc petendum, ne oderitis ingenium, ne inimici sitis industriae, ne humanitatem opprimendam, ne virtutem puniendam puteris. Non enim solum in eodem circuitu immutatio est consideranda, sed in diuersis etiam locis instituitur.

E L O Q V E N D I autem exercitatio] Ut olim grammatici chris per omnes casus & numeros variadis exercebantur, quod scribit Dionedes: ita apparet Rhetoricae studiosos in eo dedisse operam ut dilatandis, contrahendis, & commutandis orationibus copiam si-
bi compararent & numerosam facerent orationem.

Q V A E quidem oratori & cum rerum, & cum verborum mo-
mentis commutanda maxime est] A&tio, ait Cicero in Oratore, quasi corporis quædam eloquentia est, quæ oratoris animum exprimit, &
pro rerum ac orationis genere commutatur. Itaque rebus vultus &
gestus sunt accommodandi. Ut ridentibus arident, inquit Horatius,
ita flentibus adsunt Humani vultus. si vis me flere, dolendum est Pri-
mum ipsi tibi. tuc tua me infortunia lalent. Læta ergo hilariter pro-
feret, tristia mœste, atrocia vehementer.

V A R I E T A T E vocum] In Oratore, Vocis, inquit, mutatio-
nes totidem sunt, quot animorum, qui maxime voce commouentur.
Itaque orator vtcunque se affectum videri & animum audientis mo-
ueri volet, ita certum vocis admouhit sonum.

M O T V corporis] Motu sic vtetur orator, ait idē, nihil vt super
sit in gestu. Status erectus & celsus, rarus incessus, nec ita longus: cx-
cursio moderata, eaque rara: nulla mollitia ceruicum, nullæ argutiae
digitorum, non ad numerum articulus cadens, trunco magis toto se
ipse moderans, & virili laterum flexione, brachij proiectione in con-
tentioibus, contractione in remissis.

V V L T V] Vultus imago est animi. In quo efficiendū est ne quid
inceptum, aut vultuosum sit: & præcipue oculorum est quædam magna
moderatio: quorum & hilaritatis, & vicissim tristitiae modum res ip-
sa de quibus agetur, temperabunt, ait idem Cicero.

Q V A E est germana literaturæ] Plures codices habent gemina,
quod idem ac germana significat, id est, persimilis ut Horatius dixit,
Multum dissimiles, at cætera pene gemelli. Literaturam scriptionem
dicit siue scripturam. Memoria artificialis latius in lib. ad Heren-
nium explicatur. Eam locis & imaginibus constantem non admo-
dum oratorem iuuare Quintilianus innuit. Plus enim potest natu-
ra & exercitatio.

A D motum animi valet] Principij enim proprium munus est, conciliare nobis eos qui audiunt: & in peroratione motus adhibentur, vt quos rei æquitas ducere non potuit, pertrahat affectus.

S AE P E etiam primum, postremum quidem semper] Fabius docet augendi proprium locum esse in peroratione: sed & nonnunquam primum obtinere locum, Quousque tandem abutere patientia nostra, Catilina? &c.

M A X I M E Q V E cum aliquid aut confirmatum est, aut reprehens.] Ferè enim semper amplificationē præcedit probatio: quod vix quispiam moueat ea in re de qua sit necne dubitat.

I T A Q V E ad fidem quoque vel plurimum valet] Affetu enim impulsi facilius credimus.

E S T enim amplificatio vehemens quædam argumentatio] Amplificatio verbis ac sententiis fit. Cum rebus fit, conglobatione definitionū, frequentatione antecedentium & consequentium, comparatione contrariorum, pugnantium, dissimilium, demonstratione causarum, effectorum, eventuum, accommodatione celeri exemplorum & similitudinum utimur, quæ potissima sunt & firmissima argumenta.

I L L A docendi causa sit] Confirmatio, quæ docere iudicē, eique persuadere debet ut assentiantur.

V T amice] Hæc tria in unum benevolentiae locum retulit Fabius, qui præcipuus est, & huius partis proprius. Nam reliqui duo, ut attentum faciamus iudicem & docilem, non principij magis proprij sunt, quam reliquarum partium.

Q V O R V M primus locus est in personis] Benevolentiam aut à personis, aut à negociis ipsis & causis cōciliamus. Usitatisimus locus est à personis, dicere de officio vel nostro vel iudicis: ut Cicero initio in Verrem, pro lege Manilia, item pro Archia, reddit rationē quare has causas suscepit. Estque humanitatis significatio quædam, prius de nostro officio dicere, quam ad causam accedimus.

D I S C E P T A T O R V M] Eorum apud quos agetur, vel deliberantium, vel iudicantium.

C O N T R A R I I S Q V E rebus in aduersarios conferendis] Sicut Demosthenes quæritur initio de AEschine, quod rem iniquissimam petat, ne Demostheni concederetur ut pro se diceret. Hæc quærela ex occasione sumpta maxime decebat in exordio, quæ & animos cōciliabat Demostheni, & inuidiam mouebat AEschini. Sic Cicero licentiam in accusatores Roscij, calliditatē in Ebutium cōfert.

E T cum iis qui disceptant aliqua cōiunctionis aut cauſſa aut ſpeſificanda.] Ut cum ait in Verrem, ſe in accuſandum Verrem acceſſiſſe, vt iudiciorum leuaret infamiam. Deinde addit ſpem, Infamiam elui poſſe, ſi fortiter de ea cauſa iudicauerint.

E T ſi in nos aliquod odium] Inſinuatio huic referatur, de qua Fa-bius & auctor ad Herennium. Vbi enim periclitamur oratione aduerſariorum ne alienatus ſit à nobis iudex, breuiter reſiſtendum eorum criminatiōnibus, & ipſi reprehendendi, & commēdādus iſ pro quo cauſam fuſcepim⁹. Sic pro Muræna & pro P. Sylla offenſionem in ſe collatam tollit. Item pro Ligario & pro Cluentio.

G E N V S naturamque cauſæ] Dociles auditores redduntur, cū ſummam negotij breuiter oſtendimus. Ut ipſe in Verrem, ſummam cauſæ exponit, Recepit enim cauſam Sicilię: ea me ad hoc negocium prouincia attraxit, &c. & in Antonium Philipp. 4. Nam eſt hostis à Senatu nondum verbo appellatus, ſed re iam iudicatus Antonius.

S I definias.] Sic in Verrem A&t. 6, Venio nunc ad iſtius, quemadmodum ipſe appellat, ſtudium: vt amici eius, morbum & iſlaniā, &c. ſequitur, Rem vobis proponam, &c.

S I diuidas.] Ut pro Cluentio, & Action. 3 in Verrem. Diuifione vti facilius in exordio defenſorem quām accuſatorem, ſcribit Fa-bius. Vidēndū autem eſt, quod ſubiungit, vt diuifionis partes bene digerātur, & nō tam multæ partes ſint vt memoria teneri non facile queāt.

A T T E N T O S reddemus.] Attentos faciemus auditores, ſi de rebus magnis, aut alioqui utilib⁹ nos diuertos polliceamur, vt pro Rabirio magna promittit, & neceſſaria Philipp. 7, Paruis de rebus, ſed fortaffe neceſſariis consulim⁹.

A V T coniuncta cum iplis apud quos res agetur.] Quisque enim ad rem ſuam attentiſſimus eſt: vt in Verrem, & pro Rabirio perduel lionis reo.

S I T autē hoe etiam in p̄ceptis.] Exordiorum genera numero comprehēdi non poſſunt. Nam à tempore, à loco, itēque ab aliis cir-cumſtatiis ordimur nonnunquam. A tempore pro Cœlio orditur Ci-cero: à loco pro Deiotaro: ab occaſione, vt pro Muræna à ſolēni com-precatione, quæ in comitiis fieri ſolebat: ab armato p̄aſidio, pro Mi-lone: ab interpellatione, Philippica 4, ab aduersarij dicto, Philipp. 9. Fa-bius exordia longe p̄aſtantissima ducit, quæ ex aduersarij dicto aut interpellatione petutur: quod ea extēporalia & ex ipli re nata ſint: vt ſi reliqua oratio fuerit elaborata, tamen extemporalis propter ex-ordium videat:ur.

QVAE D A M quasi sedes & fundamentum constituēdæ fidei⁹ Omnis orationis reliquæ fons est narratio , ait Cicero 2 de oratore. Itaque ad summam totius causæ pertinet , caute an contra demonstrata res sit. Narrationis virtus est maxima, vt ad persuadendum accommodata sit.

VT dilucide⁹ probabiliterq; narremus necessarium est] Apertam esse narrationē tam esse oportet, quām cæteras: ac certe maiore etiā periculo hæc pars obscura est, quod eius obscuritas totā obcæcet orationem. Erit perspicua oratio, si verbis vñtatis , si ordine temporū conseruato, si non interrupte narrabitur.

EA Q V E sèpissime in narratione laudatur] Breuitas narrationis laudata est ea, in qua nihil redūdet, sed tātū rerū sit quantū necesse est. Nā alioqui breuitas quæ obscuritatē pariat, ab Aristotele damnatur. Breuis erit, si vnde pertinet ad iudicē cognoscere, incipiamus: si nihil extra causam dicamus, si nihil inutile narremus.

SI personis, si temporibus, si locis] Exépla fere omniū istorū narratio pro Milone suppeditat , itē orationes in Verrē & pro Cluentio. Rubrio homini facto ad Verris libidines raptus ille tribuitur. Tempus ad rapiendam mulierē aptum datur, nimirū nocturnum, & post coenam lautiorem, fratre mulieris absente, eiusque propinquis.

SI cuiusque facti & euenti causa ponetur.] Lam pfaceni, inquit Cicero, maxime sedati & quieti: non irruunt igitur, nisi laceſſiti. Mittitur Rubrius, quia factus ad Verris libidines: dantur idonei comites, quia nequissimi: hæc mulier præter cæteras appetitur, quia eximia pulchritudine.

SI testata dici videbuntur] Sic Demosthenes frequenter in narrationibus, pollicetur se prolaturū syraphas & testes producturū: imo vero sèpius interrupta narratione iis vñtitur. Sic Cice. se Lapsaci facinora Verris cognosse dixit, & C. Varro ex Philodamo audiisse.

SI cū hominū opinione, &c.] Si non abhorreant à cōmuni hominū sensu, ab auſtoritate legū, à more ciuitatis, & c. sed sint omnia consentanea. Sic Cicero pro Milone, Milonē dixit iter Lauinium instituisse, vt illuc de more sacra dictator faceret.

SI probitas narrantis significabitur] Virtus narrationis est si morata sit: & Fabius ait, Maxime esse vtile vt orator bonus sit vel maxime bonus habeatur: quia tum videbitur non aduocati studium, sed testis prope fidē adferre . Itemque vt antiquitatis cognitione valeat, vt memoriam rerū non labefactet, vt eius consuetudo dicēdi minime falax fuerit, cōpertaq; sit cōstantia dictorū factorumque integritas . Ita enim

enim fiet, vt consentanea dicat, & probabiliter narrans facile credatur, ac fingere quæ exponat non existimetur.

SVAVIS autē narratio est, quæ habet admirationes] Talis est hæc Ciceronis, Tū vero illa egregia ac præclara mater exultare letitia, ac triumphare gaudio coepit. Ille inflamatus scelere ac furore in forum venit. Hærere homo, auersari, rubere. Tum appellat hilari vultu hominem Bulbus, vt blandissime potest, Qui tu, inquit, Pacete? Ecce tibi eiusmodi sortitio. Attendite exitum. Quid deinde quid censemus? Furtum fortasse aut prædam expectatis aliquam, &c.

I N confirmando nostra probare volumus] Quare cum confirmatione reprehensionem iunxit, est in 2 de Oratore. Quia, inquit, neque reprehendi quæ contra dicuntur, possunt, nisi tua confirmes: neq; hæc confirmari, nisi illa reprehendas, idcirco hæc & natura & utilitate & tractatione coniuncta sunt.

I N primo coniectura valet] Ex questione an quid sit factum, nascitur coniecturalis qui dicitur status, & in eo res coniecturis ac suspicionibus inquiritur. Ex questione quid res sit, & quo nomine factum sit appellatum, oritur status finitus, qui ex rei definitione aut etiā descriptione iudicatur. Ex questione quale sit factum, oritur status qui nominatur iuridicalis, qui ratione, id est, iuris & iniuriæ distinctione explicatur. Eum ob id appellat Fabius qualitatis statum. Statum autem appellant principalem questionem seu propositionem, quæ summam negotij continent, & ad quam omnia argumenta referenda sunt. Enumerantur & alii, qui legales status dicuntur, sed auctore Fabio, ad hos generales referuntur.

V E R I S I M I L E, quod plerunque ita fiat] Verisimilia sunt quæ probabilia dicuntur, & à circunstantiis, quæ in veteri Rhetorica Cicerone personarum & negotiorum attributa nominat, petuntur. Ea dialecticis eisotæ dicuntur.

P R O P R I A E autē notæ] Proprias rerū notas appellat signa certa & necessaria, quæ sunt vel causæ vel effectus factorum.

V E R I S I M I L I A reperiuntur ex partibus & quasi membris narrationis] Narratio si suis omnibus virtutibus prædicta est, omnes circumstantias tanquam partes ac membra attingit, ex quibus verisimilia ducuntur. Circumstantias enumerant, Quis, Quid, Quando, Vbi, Cur & quomodo: vt hic Cicero Personas, loca, tempora, facti, evenientia, rerum negotiorumque naturas.

I N personis naturæ primū spectatur] A corporis habitu, verisimilia ducuntur, qualia sunt illa in Pisonem, Non enim nos co-

Ior iste seruiliis, non pilosæ genæ, non dentes putridi deceperunt. Oculi, supercilia, frons, vultus denique totus, qui sermo quidam totius mentis est, in errorem hominis impulit. Ab ætate argumentatur Mitio, excusans adulescentis delictum. A sexu, ut latrocinium facilius in viro, beneficium facilius in muliere credas.

A N I M I autem] Talia apud Milonem, Fecit iratus, fecit inimicus, fuit vltor iniuria, punitor doloris sui, & Latuit miles ignau. Nō deseruit vir fortis. Ignarus rerum urbanarum, rusticus, &c.

I N fortuna, genus, amicitia] Exempla satis nota sunt, Gloriatur ex nobili loco natus. Fretus amicis hæc ausus est. Liberos pater tuebatur. Inopes propinquos ditare cupiebat. Affinitate confidens res nouas est molitus, &c.

I N locis autem] Locorum differentiæ aut è natura sunt, ut à situ, & qualitate; aut è casu seu fortuito, ut ex eo quod frequententur, habitentur, & contra. Hinc verisimilia argumenta sæpius petuntur. Nam etus locum desertum, hominem trucidavit. Relictis Alpibus, locis mortis, asperis, in cultis, Galliæ fines tenuit. Exempla locorum frequenta sunt in Milone, pro Quintio, contra Rullum, & in Verrem.

L A E V E S.] Lævis locus est, ubi nihil est quod aspectum possit impedire, non segetes, non dumii, &c. Planus vero in quo montes non sunt, et si segetes sint, &c.

I N temporibus.] Exempla suppeditat caussa Milonis. Tempus, quo consulatum Milo petebat, præturam Clodius: pugna ante vesperam commissa. Item in Verrem & alibi passim exempla se offerunt.

A V T consilij sunt.] Id est, pendent ab arbitrio & voluntate. Ut consilij est, telum emisse: imprudentia, Quem nolebas vulnerasse.

P E R M O T I O N E] Imprudentia subiicit permotionem: quod animi perturbati affectibus, quasi extra se sint, & veluti obcentur, ne cum iudicio agere possint.

C V M aut obliuio.] Ut imprudens Icarus in mare decidit, oblitus præceptorum patris. Ea obliuio veluti impulit hominem, & ad id permissit quod alias non fuisset facturus.

A V T error] Ut errore Mutius scribam pro rege obtruncavit.

A V T metus.] Ut plerique improbi metu diuinæ vltionis, & fatorum conscientia se prodiderunt.

A V T aliqua caussa cupiditatis.] Ut cupiditas regnandi Romulæ impulit ut Remum trucidaret.

I N imprudentia necessitas ponenda] Sunt enim imprudenter commissa, quæ quo minus eueniant, vitare non possis. Telum imprudenter emissum

emissum coerceri reprimique non potest, quo minus etiam quem non lis feriat. Qui nauem imprudentius condescendit, iactatus est fluctibus. Iter init sine consilio, ideo fluuij est interclusus.

R E R V M autem bonarum aut malarum] Ex sunt rerum negotiorumque naturae: quæ quia causas habent aut facieди, aut non facieди, ideo ad conjecturam valent.

N A M aut in animis.] Bonorum & malorum diuisio ex sententia Academicorum & Peripateticorum. Nam Stoici è numero honorū, corporis & fortunæ commoda reiiciunt.

Q V O D ex facti vestigiis sumitur.] Signa dicit, factum præcedentia, aut consequentia, aut etiam cum eo coniuncta, quæ sensibus percipiuntur. Ut si cuius telum in vulnere repertum sit: si crux membra aspersa, si clamor auditus: si lingua & membra titubent: mutetur vultus, &c.

S I præparatum aliquid.] Ut Clodius seruos agrestes & barbaros ex Apennino deduxerat.

S I communicatum cum aliquo] Ut Catilinę conjuratio cum Curiо, cum Fulvia, &c.

C V M sunt coaceruata, proficiunt] Quæ enim seiuonta minus valerent, coniuncta efficaciora sunt. Itaq; Fabius docet dissoluendore-futari argumenta exigua, quæ congesta valere videbantur.

A T Q V E in his verisimilibus insunt nonnunquam.] In iis quæ ex facti vestigiis sumuntur, sunt quædam quæ certæ rerum & propriæ notæ sunt appellandæ: ut certa nota est vulneris cicatrix relicta: Lac partus, &c. Alij malunt Ciceronem velle, ex coaceruatis verisimilibus argumenta nonnunquam necessaria elici. Quidam arbitratur potius esse, ut significet, aliquando verisimilibus permisceri notas illas necessarias.

E X E M P L V M] Ut non esse dandos custodes corporis Dionysio: quia Pisistratus impetratis à populo Atheniensi custodibus tyrannidem exercuit.

I N T R O Ducta rei similitudo.] Parabolam & iconen sub hoc nomine compleditur. Tale est pro Cuentio de Staleno iudice corrupto, quem ait, cum pecuniā acceptā profudisset nihilque non modo ad cupiditates, sed ne ad necessitatem quidem reliquisset, statuisse ad easdē sibi prædas ac suppressiones judiciales reuertendum: ut etiā bestiæ fame dominante plerunque ad eum locum ubi pastæ aliquando sint, reuertuntur.

F A B V L A etiam nonnunquam] Non tantum poeticas fabulas,

sed & apologos. Orestis fabula vtitur pro Milone, Itaque hic iudices, non sine causa sicutis fabulis doctissimi homines memoriae prodiderunt, eum qui patris vlciscendi causa matrem necauisset, variatis hominum sententiis, non solum humana, sed & Deæ sapientissimæ sententia liberatum. Apologo de membrorum & ventris dissentione, Agrippa plebis Rom. secessione à patrib⁹ repressit, apud Liuui.

[Q VI D? definitionis quæ ratio est, & quæ via?] Finitimi status seu questionis definitiæ rationem querit.

E T proprietate quadam] Eam dialectici differentiam nominant, sed quia eæ rariores sunt, aut plerunque controversæ, communia quædam adhibentur, aut rem antecedentia, aut consequentia, adiuncta, aut similia: aut etiam contraria & dissimilia: quorum frequentia propria definitio facienda est, vt nec latius nec angustius, quam id quod definitur pateat. Vt si regem definias magistratum, genus dixisti. adde proprium eius, Qui vnum rerum potitur, rsgem à cæteris magistris segregasti. Nondum autem regis propria est definitio, quæ in tyrannum conuenire possit. adde, Et ex certis legibus Rempub. administrat, tum definitio confecta est. Vnum rerum potiri, regi commune est cum tyranno: item, Ex certis legibus Rempub. administrare, est illi cum reliquis magistratibus commune. Vtrunque coniunctum propriam regi definitionem fecit.

D E F I N I E N D V M est sæpe ex contrariis.] Cicero Philipica octava, ex contrariis definit, Etenim cum inter bellum & pacem medium nihil sit, necesse est tumultum, si belli non sit, pacis esse: quo quid absurdius dici aut existimari potest? & Horat. Virtus est vitium fugere: & sapientia prima, Stultitia caruisse.

S A E P E etiam ex dissimilibus] Vt pro Cluentio, Censoriam nam non esse iudicium, docet Cicero, quod in iudicem consentiat litigator, in censorem non consentiat is qui notetur. Ad hoc genus referri debet quod de definitione de eodem & alio Aristot. & Cicero in Topicis tradunt.

S A E P E ex paribus.] Vt, Continentia est in rebus nostris, quod abstinentia in alienis.

QVAMOBREM descriptiones] ὁ πολεμός φασι, quæ sunt ex adiunctis & consequētibus. Hoc genus oratorū propriū est. Nam illa brevior definitio facile extorquetur ē manibus, aut reprehenso, aut addito, aut dépto uno verbo: nec in mente iudicis intrare potest. Sic Cicero Pisone describit, Sallustius Catilinam, famam Virgilium, Brevis est definitio, Seditio est motus populi contra magistratus. Virgilius eam

lius eam describit hoc modo,

Ac veluti magno in populo cum s̄epe coorta est

Seditio, s̄equitque animis ignobile vulgus. Deinde addit hypotyposin, Iaq; faces & saxa volant, furor arma ministrat. Sic populares definit pro Sestio: Itaque temporibus illis qui populares erant, offendebant illi quidem apud graues & honestos homines, &c.

ENVM E Ratio consequentiū] Sic Philipp. 8, Bellum describit ex consequētibus, Deieci pr̄fidiū, Claterna potitus sum, fugati equites, pr̄līū commissum, occisi aliquot: quā pax potest esse maior? delectus tota Italia decreti sublatis vacationibus, saga cras sumentur, Cōsul se cū pr̄fido descensurum dixit. Vtrum hoc bellum non est? & cætera.

EXPLICATIO vocabuli ac nominis.] Sic tumultum definit in eadem 8 Philipp. Quid est enim tumultus, nisi perturbatio tāta, vt timor major oriatur? vnde etiam nomen ductum est tumultus. Itaque maiores nostri tumultum Italicum, quōd erat domesticus: tumultum Gallicum, quōd erat Italix finitimus, pr̄terea nullum tumultum nominabant.

QUALIA sint vocatur in dubiū.] Sicut status cōiecturalis ex quæstione an sit factū, & finitimus ex quæstione quid res sit, & quo nomine appellāda, nascitur: ita juridicalis status qui & qualitatis dicitur, ex quæstione quale sit factum, oritur: vt, Clodius à Milone iure est interfactus. Iustum est fures suspendere.

IN eo genere partes.] Duas enumerant generales, Qualitatem absolutam, & Assumptiām. Assumptiā autem partes, concessionē, remotionem criminis, relationem criminis, & comparationem: quas omnes Cicero nunc attingit.

AVT iure factum depellitur.] Absolutam qualitatem significat, in qua ad facti defensionem nihil extrinsecus assumitur. Vt, Hostem, furem nocturnum, proscriptum interfactum esse.

AVT vleiscendi doloris gratia.] Adsumptiā qualitatis partes exponit: id est, cum ipsum ex se factum probari non potest, aliquo aucte foris adducto arguento defenditur: vt Clodiū qui insidiabatur, iure Milo interfecit, vbi ad factū non probabile assumitur crimen insidiatum. Huius generis prima species, Relatio criminis dicitur, cum ideo iure quid factū dicitur, quod alias ante iniuria lacererit: vt, Occisus est Clodius qui vim inferebat.

AVT pietatis, aut pudicitiæ, aut religionis, aut patriæ nomine.] Comparationem significat & remotionem criminis, cum factum

tuemur ex aliqua utilitate reip. vt, Proditorem tyrannum interfectū esse: aut religione, vt, Sacrilegum interemptum esse: aut pudicitia, vt, Adulterum poenas dedisse: aut pietate, vt, Patrē defensum fuisse. Cōparatio est, ait in veteri rhetorica, cum aliud aliquid factum rectum aut vtile contenditur: quod vt fieret, illud quod arguitur dicitur esse commissum. Remotio criminis, cum id crimen quod infertur, ab se & à sua culpa vi & potestate in aliud genus remouere conatur: quāquam remotio, cum causa remouetur, ad sequentem formam pertinet: vt cum factum, ad hoc genus.

A Vt denique necessitate, inscitia, casu] Purgationem dicit, cum factum conceditur, culpa remouetur, cuius tres partes subiicit. Neces sitatem: vt, Munus obire non potuisse, morbo coactum. Inscitiam, quā alias imprudentiam nominat: vt, Ciue pro hoste imprudenter interēptum fuisse. Casum: vt, Qui in feram iaculatus sit, hominē percussisse.

N A M quæ motu animi] Deprecationem intelligit, cum peccasse etiam consulo reus se confiteatur, & tamē vt ignoscatur postulat. Nā illi motus animi seu perturbationes etsi necessitatis speciem quādam præ se ferant, ratione tamen domari debent, ideo non inconsulto qui eis paret, agere dicitur. Itaque factum qui confiteatur, non est quod excusat, sed ad depreciationm configuat necesse est.

I N legitimis iudiciis] Apud eos iudices, qui iurati ex legum prescripto pronunciant.

I N liberis disputationibus.] Apud eos qui ex legibus non iudicant, sed possunt supra leges misereri peccantis, & supplici veniā dare: vt apud regem, populum vniuersum, & interdum summum senatum. Vt apud Cæarem Cicero pro Ligario sola fere deprecatione huius generis vsus est.

I V R E & rectene actum sit.] Quæstio qualitatis iuris illa quidē patet, quām vt aut de iure aut de iniuria queratur tantum, sed cum in causam iudicialem cadit, hæc duo genera solum complectitur.

E X locorum descriptione.] Ad causam iudicialem proprij loci adhibentur, Natura, Lex, Consuetudo, AEquum, Bonum, Iudicatum, Pactum, qui ad causam efficientem pertinent: de quibus aget in explicatione causarum, cum juris partes tractabit.

A V T totum est negandū] Rationem dissoluendi argumenta tradit: quæ aut à rebus, aut à ratione colligendi petenda est. A rebus petitur reprehensio, si quod commentitum adfertur negemus. Ut quod in Sext. Roscium finixerant, quod patri inuisus fuisse, quod pater cū exhæredare voluisse. Aut quod falsum: vt falsa erat opinio hominum

de innocentia Oppianici. Si erit palam falsum, ait Fabius, negare satis est.

A V T redarguenda ea quæ pro verisimilibus sumpta sunt] Ut si dicas, Non quia locus desertus sit, ideo factam in eo cædem esse opere: Nō statim qui pulchri & formosi sint, libidine ferri. Necesse nō esse auaros lenocinare omnes facere, &c. Vbi verisimilia incerta nec confessa sumuntur pro confessis & certis.

D E I N D E etiam in perspicue falsis eadem dici posse] Sic pro Roscio, suspicionem quod Roscius à patre odij causa rus alegatus fuisset, diluit, Multos filios familias qui parentibus charissimi sint rurí haberi. Eandem suspicionem in quemuis innocentissimum conferri posse.

T V M ex ijs quæ sumperunt, non effici quæ velint] Alterum genus reprehensionis ex colligendi ratione: cum ex sumptis effici negatur quod est conclusum. Sic pro Clientio negat effici, quod aduersarij volebant, Clientiū pecunia circuens innocentem, ex eo quod sumperant de nota censoria. Censores enim à veritate deuiasse. Et pro Roscio, Non si negligentius habuerit filium Roscius, idcirco illū exhaeredatum fuisse: neque si id sciret ac metueret filius, tamen ea causa parentem interfecerunt esse.

ACCEDERE autem oportet ad singula] In confirmatione præcepit, ut verisimilia quæ per se exigua essent coaceruarentur, ut tum multum ea proficere dixit. Itaque ut debilitentur diducenda sunt. Sic enim eorum vis peribit.

COMMEMORANDA sunt etiam exempla] Ut pro Roscio, de duobus adolescentibus iudicio absolutis, ad quos tamen solos suspicio parricidij pertineret, qui in eodem cubiculo, vbi pater mortuus repertus esset, soli dormiissent.

CONQUIRENDA conditio communis periculi.] Exemplum est in eadem oratione Rosciana: vbi admonet improbitati & licentię calumniatorum resistendum esse, propter commune periculum.

QUEMADMODUM in dicendo singula tractentur.] Inventionē argumentorum ad confirmandum & reprehendēdum exposuit: nūc ad eorum tractationē se conuertit: quæ pars ad artem iudicandi, ut illa ad inueniendi pertinet.

EXPLICATIO argumenti, argumentatio] Argumentum est inventum ad faciendam fidem: quæ veluti materia quedam est ad fidem faciendam comparata: quæ si explicetur, argumentatio existat, ut sit argumentum, res ad probandum conquisita. argumentatio, argumēti

elocutio. Argumentationem accipe, quā Aristot. συλλογισμὸν & Fabius ἐπιχείρησα nominat. Tantū interest, q̄ oratores copiosius argumentationem tractant quām Dialectici, & nonnunquam partibus pluribus explicant.

S E D ea conficitur, quū sumpseris] Quibus sit argumentatio cōficienda exponit, postea quo modo distinguenda tractabit. ita enim proposuerat. Non dubia, i. certa & perspicua, quæ assumūtur esse debet, vt id quod dubium est per id quod dubium non sit cōfirmetur. Vt ad hoc probandum, Mundū cōsilio administrari, assumitur omnibus cōcessum illud, Quod optime administratur, consilio administrari. & vt probes, Clodium iure cæsum fuisse, assumis, Vim vi repellere licere.

A V Tprobabilitia] Vt pro Roscio Cicero probabile sumit, A filio rustico, frugi & bono non esse imperfectum, vt concludat non esse Rosciū parricidam.

A D fidē directo spectat.] Id est, Non alterius rei gratia suscipitur, quām vt fidē faciat, nō itē vt moueat: & id sit directō, cū ad propositionem assumptiones adhibentur, cum confirmationibus si sit opus, deinde propositū concluditur. Hāc perfectā argumentationē & omnibus suis numeris absolutā intellige, quæ tractatione oratoria non-nunquā immutatur, nōnunquam etiā partibus quibusdā caret. Tale sit breue exēplum, Mundus consilio administratur. Quod enim consilio geritur, melius administratur quām quod sine cōsilio: vt exercitus is cui præpositus est sapiens & callidus imperator, commodius regitur, quām is qui stultitia & temeritate administratur. Domus ea quæ ratiōe regitur, instructior est quām ea quæ nullo cōsilio administratur. Eadē nauigij est ratio. Nihil autē omniū rerum melius, quām omnis mundus administratur. Nā & signorū ortus & obitus definitū quēdam ordinem seruant, &c. Consilio igitur mundus administratur.

ALTERVM se inflebit ad motū.] Vt e.x argumentationes, quæ præter fidē, quam præcipue spectant, ad concitados animos amplificationes adhibet, quæ directo ad fidē non referuntur, sed ad motum. Itaque ordinē illum quasi perturbatus orator confundit, apprehenditq; nulla propositione addita, quod ad concitandum valeat. Frequētia sunt exempla apud Ciceronē in Verrē, pro Milone, &c.

C V M proposuit] Propositionem dicit, quæstionem quæ probanda suscipitur, & in conclusione repetitur: nō eam quam in veteri Rhetorica, primam partem ratiocinationis facit.

S V M P S I T quæ ea quibus monstretur] Assumptionem & propositionem alias nominat: dialectici maiorem propositionem & minorēm appellant.

IACIT ad extremum] i. Non directo concludit, sed breuiter attingendo propositū significat cui rei efficiendæ mot⁹ adhibeātur.

VT cum interrogamus nosmetipſos] Figuras sententiarū ad vitā dā orationis similitudinē quæ satietatē pareret, vult adhiberi ad argumentationes explicādas: quales sunt, Interrogatio, Subiectio, & cetera sententiarū ornamenta. Argumentatio simplex est, Ire debo, quia me vltro accersit. Terentius per interrogationē immutat, Quid igitur faciā? non eā? ne nunc quidē, cū accersor vltro? Tacere vos præstat, quia clamor hic ostendit & stultitiā vestrā & paucitatē: Sic Cicerō pro Rabirio, Quin continetis vocē indicē stultitiā vestrā, testem paucitatis? Auderē prædicare à Rabirio Saturninum esse cēsum: quia hostis erat populi Romani: Cicero mutat optando, Vtinā hanc mihi facultatē causā concederet, vt possem hacē prædicare, C. Rabirij manu L. Saturninum hostem populi Romani interfec̄tum. Addit & præcepta de omittendis nonnunquam argumentationis partibus, deque ordine mutando.

QVAM id sit infirmum sēpe dicendum est] Locus sit communis, Maiorē fidē habendam esse argumentis, quam testibus. Testes enim corrupti posse: argumenta rerum propria non posse. Sic Cicero pro Caelio opponit testibus argumenta. Vos abducā, inquit, à testib⁹: neque huius iudicij veritatē quę mutari nullo modo potest, in volūtate testium collocari sinam: quæ facillime fingi, nullo negocio flecti ac detorqueri potest: argumentis agemus. Ac huius generis Ciceronis oratio in Vatinium testem extat, vnde exempla sumantur.

Q V I B V S testibus creditum non sit.] Vt Cicero pro Fonteio, Gallorum testimonio opponit exemplum Scauri & L. Crassi oratoris, quibus in testimonio non sit creditum.

S I cū ignominia] Iuris consulti fidē habendā negant eorū testimoniis, qui ignominia notati sunt & infamia, quiq, ludicrā artē exercēt. Alia etiā argumēta ex aliis personarum attributis duci possunt.

S I spe, si metu] Fabius ait, Præcipuū esse locū in refutandis testibus, si cauſam ppter quā nocere voluerint, aut quę eos impellere potuerit, attulerimus: quales hic plures Cicero recenset.

COMPAR Andiq; superiore cū auctoritate.] Hac arte est usus p Flacco, vbi Græcorum testū genus vniuersum infestatur: deinde comparat cum Romanis testibus quibus etiā credi nō vult: vt si melioribus creditum non sit, deterioribus multo minus credatur.

S A E P E etiam quæſtionibus resistendum est] Vt ipſe pro Sylla, Tormenta illa gubernat dolor, moderatur natura cuiusq; cum animi,

tum corporis, regit quæsitor, sicut libido, corruptit spes, infirmat metus, ut in tot rerum angustiis nihil veritati loci relinquatur. & VI pianus de quæstionibus, Etenim, inquit, res est facilis & periculosa, & quæ veritatem fallat. Nam plerique patientia siue durtia tormentorum, ita tormenta contemnunt, ut exprimi eis veritas nullo modo possit. Alij tanta sunt impatientia ut quiduis mentiri, quam pati tormenta malint.

M V L T I in tormentis clementi sunt.] Ut seruus cuiusdam agentarij, qui Alexádrum Fannij seruum interfecisse accusabatur, tortus cædem eius confessus est, qui postea domum reuersus est.

M V L T I etiam suam vitam neglexerunt.] Ut Philippus Flacci seruus octies tortus nihil in herum dixit: Itemque seruus Antonij septies tortus domino nihil quod obsuerit fassus est.

A L I I clementi sunt in eos quos oderant.] Ut Zeno Eleates, qui cum torqueretur à Phalaride, ut coniurationis consciens indicaret, omnes eius amicos, quos æque atque tyrannum oderat, protulit. Vide Valerium de patientia.

S A E P E etiam ea quæ dicta sunt, si aut ambigue.] Hic locus tam ad testes quam ad tormenta pertinet: in quibus reprehensiones valebūt, si quid dictum sit quod in alium sensum trahi possit, aut dissentaneum prioribus, aut alienum à veritate, aut non consentaneum cum aliis testimonij: ut Cicero Fidiculanum testem redarguit, quod incōstanter dixisset, armatos fuisse seruos suos, qui antea dixerat nullos armatos fuisse.

N A M est diuisa in duas partes] Peroratio orationis est conclusio, in qua repetitur propositio orationis, & breuiter in unum locum coguntur argumenta potissima, quæ per orationem dispersa sunt & diffusa, ut reminiscendi caussa unum sub aspectum subiificantur. Adiunguntur & affectus, in quibus amplificatio tota est: ut quos argumentis & rerum æquitate ducere non potuisti, per trahas affectu. Plura enim multo homines indicant odio aut amore, aut cupiditate, aut iracundia, aut dolore, aut letitia, aut spe, aut timore, aut errore, aut aliqua permotione mentis, quam veritate aut præscripto, aut iuris norma aliqua, aut iudicij formula, aut legibus, ut est in 2 de Oratore.

A V G E N D I autem & hic est proprius locus.] Id iam supra est explicatum, cum de partibus orationis præciperet. Amplificatio, inquit, quanquam habet proprium locum, saepè etiam primum, postremum quidem fere semper: tamen reliquo in cursu orationis adhibenda est, maximeq; cu aliquid aut confirmatum est, aut reprehensum.

G R A V I O R quædam affirmatio] Qua non modò credit qui audit, sed etiam impellitur animo perturbatus, vt ijs quæ dicuntur aſſentiantur. Ex quo ſupra inter argumētandi genera dixit vnum genus eſſe quod non direſto ad fidem ſpectet, ſed ad motum ſe infeſtat.

Q VAE vim habeant illuſtrandi] Quæ ſupra tradita ſunt de iluſtri oratione, huic referantur.

G R A V I A, plena, ſonantia] Grauitas aſtimatur ſignificatione: vt Horrere veheſtius dicitur, quam Vereri aut Metuere. Sonus, ſyllabarum mora atque longitudine, vt ſonantius eſt Pertimesco quam Pertimeo. Plena ſunt quæ vtrunque habent, vt Horribile plenius eſt quam Miferum.

I V N C T A, faſta, cognominata.] Grauitas, plenitudo, ſonus in verbiſ fit, iunctura, vt, Conſcelerata mens: item, Opes fortunafq; Macula turpiſſimaque ignominia, Vita horrida atque arida: Aut nouitate, vt, Queſtus pro querela: Aut commutatione ſeu cognominatione, vt, Petulantia pro petulante, Cupiditas pro cupido, Rusticana atque inculta paſsimonia, pro rufſtico, inculto, atque parco. Aut deleſtu non vulgatorum, vt, Aeta decurſaque ætas, Extorres à patria profugimus, quod eſſet vulgatum, Nos patriam fugimus: ſuperlatorum, vt, Saxa & ſolidudines voce respondent: aut ipsa trāſlatione, vt Telum pro crimi natione, Iugulare pro accusare, Medicinam facere, pro respōdere, in oratione pro Clientio.

N E C in ſingulis verbis.] Soluta in ſingulis verbis, vt Nos penates, aras, focos, ſepulchra maiorum: nos leges, iura, libertatem, coniuges, liberos, patriam defendimus. In continentibus, id eſt, in coniunctis verbis, quæ membratim enunciantur, & fine coniunctione, vt, Me patria expulerat, bona diripuerat, domum incenderat, liberos coiugemque meam vexauerat.

A V G E N T etiam relata verba] Relata verba dicit, quam Gr̄ci ἐπιναφορά nuncupant, Aquila Roman. relatum vertit & relationem, cum principia incipiunt ab eadem diſtione: vt illud, Vbi nunc ſenatus eſt quem ſecuti ſumus? Vbi equites Romani illi, illi, inquit, tui? Vbi ſtudia municipiorum? vbi Italiae voceſ? pro Milone.

I T E R A T A] Gr̄ci appellant πελιλογία, Aquila iterationē, cùm verbum ex aliquo interuallo iteratur, non tantum in principio: vt, Nū ego tibi vllum perfungium, vllam ſalutem putē? & Philipp. 2, Bona(miferum me, conſumptis enim lachrymis, tamen infixus animo hæret dolor) bona, inquam, Cn. Pompeij acerbifſimæ voci subiecta præconis.

D V P L I C A T [Αὐταῖς λόγοις est Græcis, quam Aquila duplicationem interpretatur: cum idem verbum sine interuallo repetitur: Ut, Iam iam minime miror. Occidi occidi. Si alias relatorum, iterorum & duplicatorum figuræ verborum quæris, vide in præceptis suauis orationis.

E T ea quæ ascendunt gradatim. Ινλιουεξα significat, quod genus amplificandi Fabius per incrementum appellat: ut illud Ciceronis in Verrem, Facinus est vincere ciuem Romanum, scelus verberare, prope parricidium necare, quid dicam in crucem tollere? &c., miserū, acerbum, calamitosum, funestū, indignum, iuatuosum, horribile.

Q V A S I naturalis] Hinc Fabius ait, Affectus nō tā constare diligētia quām calore, significans, nō tam opus esse arte, quām naturali impetu: & Macrobius de habitu orationis pathetica loquens, ait eam esse debere abruptā. Méne incepto desistere vietam? Ea est quam Cicero non explanatam orationē appellat. Talis est propemodum fere tota pro Milone peroratio. vt cum ardens inquit, O frustra suscepti mei labores, o spes fallaces, o inanes cogitationes meæ. & illud, Quid iam restat? quid habeo? quid dicam pro tuis in me meritis?

Q V I B V S actio vocis, vultus & gestus congruens.] Actio nisi iis quæ dicuntur fuerit cōsentanea, ridicula futura est & inepta oratio. Itaq; si volet orator auditores mouere, necesse est vt prius permotus & incitatus videatur. Neque enim, vt ait Antonius apud Ciceronem de Oratore, Facile est perficere vt irascatur ei cui tu velis, iudex, si tu ipse id lente ferre videare: neque vt oderit eum quem tu velis, nisi te ipsum flagrantē odio ante viderit: neque ad misericordiam adducetur, nisi ei tu signa doloris tui, verbis, sententiis, voce, vultu, colachrymatione denique ostenderis.

Q V I D quanque deceat] Causam videlicet. Sunt enim causæ quæ nullos affectus requirant, vt quæ exiles sunt: quedam minores, vt mediocres: quædam ingentes, vt graues & maximæ causæ. Huc pertinet Græcorum divisio à Cicerone in Oratore repetita: Orationum alias esse ιδιαι, id est, ad naturam & ad mores, & ad omnem vitæ consuetudinē accōmodatas, comes, jucundas, ad benevolentiaq; conciliantia paratas. Alias esse πράθηκαι, i.e. tales quibus perturbentur animi & concitentur, vehementes, ineنسas, incitatas. Itaque videbit diligenter orator vt pro causæ natura quicque dicat.

D E F I N I T I O N E S valent congregatae] Definitionē etiā intellige quāuis rei vel personæ descriptionē, qua quid lati^o quām verbo, exprimitur. Id genus si frequens sit & congregatū, rem maxime illustrabit:

vt cum

vt cū Cicero de curia incensa in funere Clodij, Vidimus, inquit, tem
plū sanctitatis, amplitudinis, mētis, consilij publici, caput vrbis, arā so-
ciorū, portū omnium gentiū, sedē ab yniuerso pop. Rom. concessam
vni ordini, inflāmari, excindi, funestari. Itē, Verres ille vetus prodi-
tor consulis, translator quæsturæ, auersor pecuniaæ publicæ: & alio lo-
co, P. Lentulus vltor sceleris illius, propugnator senatus, defensor ve-
stre voluntatis, patronus illius publici consilij, restitutor salutis meæ.

CONSEQUENTIUM frequentatio.] Intellige & Antecedentium & Adiunctorum, quæ consequentibus finitima sunt. Frequentata sunt consequentia, in Orat. Cic. pro domo sua, Hanc vero in pa-
latio atque in pulcherissimo vrbis loco porticū esse patiemini furoris
tribunitij, sceleris consularis, crudelitatis coniuratorum, calamitatis
Reipub. doloris mei defixum iudicium, ad memoriam omnium gē-
tium sempiternam.

E T cōtriarum & dissimiliū & inter se pugnantiu rerū cōflictio] Cōparationem rerū diuersarū dicit, qualis est ea pro Quintio, Ea res
enim nūc in discrimen versatur, Vtrū ne possit se cōtra luxuriē ac li-
centiā rusticana illa atq; inculta parsimonia defendere: an deformata
atque ornamentis omnibus spoliata, nuda cupiditati petulantiaeque
addicatur. Item, O spectaculum illud non modo hominibus, sed yndis
ipsis & littoribus luctuosum, cedere patria seruatorē eius, manere
in patria perditores. Item, Quid me reducem esse voluistis? an vt in-
spectante me expellerentur iij per quos essem restitutus?

E T caussæ.] Demonstratio caussarum, effectorum seu eventuum,
est etiam amplificationi accommodata. vt, Verres ne tibi tanti fuit,
vt eius libidinem hominum innocentium sanguine lui velles? Effec-
ta ex caussis apud eundem, Doletis tres exercitus populi Rom. in-
terfectos: interfecit Antonius. Desideratis clarissimos ciues, eosque
vobis eripuit Antonius, &c.

I L L V D autem iam est iudicij.] Singulis generibus caussarum
proprios augendi locos accommodat: Generi demonstratio expe-
tationem, admirationem, voluptatem, quæ sunt suavitatis: Delibe-
ratiuo, bonorum & malorum enumerations ac exempla: Iudiciali ira-
cundiam, quæ accusatori: & misericordiam, quæ reo frequentior est.
Nam aliquando contra fit pro caussarum & quæstionum varietate: vt
ipse in Sthenium accusator misericordiam mouet, & alias defensor
iracundiam in Sext. Roscij propinquos.

NONVNQVAM laudatori.] Alij malūt, Nunquam: aut, Non
vnquam, quod idem est, vt neget in genere demonstratio opus esse

enumeratione, quod ad delectationem & ostentationem, non etiam ad fidem sp̄ estet, nec auditorum memoria timeat, in qua nihil pericitetur. In genere suasorio seu deliberatioꝝ raro etiam enumeratio in peroratione locum habet. Aliquando tamen utraque recipit enumerationem, præsertim ubi res obscuriores & intricatores fuerint. Quæ causa fuit ut nihil immutauerim.

V E L interuallo temporis] Ut si cauſa amplietur, vel post aliquot dies iudicanda sit.

FREQUENTATIS firmamentis orationis] Expositis collectim & summatim confirmationis capitibus, quæ si forte singula minus vi rium adhibuerint, conglobata & coniuncta valeant. Ab his capitibus repetendis enumerationem Græci ἀνακραλωσι appellarunt.

R E O rarius vtendum est] Cum enim in depellendo versetur re, seu defensor, aduersarij repetendis firmamentis, & eorum dissolutiōnibus quas attulisset enumerandis, longiorem perorationem quam oporteat, efficeret. Adde quod breues illæ reprehensiones infirmæ viderentur, cum interim aduersarij frequentia firmamenta, crimen confirmarent.

CONTROVERSIAM & cauſam appello.] Alij codices eam coniunctionem non habent, & in vetusto exemplari tantū legitur, Causam appello. In Topicis Cicero ait se appellare causam, quam Græci hypothesis: & propositum quod illi thesin: Causam vero certis personis, locis, temporibus, actionibus cerni, aut in omnibus, aut plerisque eorum. ex iis hic tantum duas quas appellant circumstantias enumerat, sed maximas & frequentissimas. Propositum, altera pars quæstionum, certis illis circumstantiis non definitur, sed de toto genere querit. Iurēne insidiator occiditur, thesis est. Iurēne Clodium insidianem Milo occiderit, hypothesis est. Thesis latius quidem patet hypothesis, de toto genere querēs: in tractatione tamē hypothesis, thesis quasi eius pars est, quod primum constituta thesis esse debeat, quam hypothesis. Nisi enim constet insidiatorem iure occidi posse, non constabit Clodium insidianem iure à Milone esse occisum.

SIMILITUDINES] Huc pertinent loci ex pari, ex maiore, & ex minori, ut, Saxe & solitudines voce respondent, bestiæ s̄apē immanes cantu flectuntur atque consistunt, nos instituti rebus optimis nō poetarum voce moueamur. Sequitur exemplum, Homerum Colophonijs esse dicunt suum, Chij suum vindicant, Salaminij repetunt, Smyrnæi vero suum esse confirmant, itaque etiam delubrum eius in oppido dedicauerunt, &c.

FICTAE etiam personæ.] Ethopœiam & idolopœiam intellige, cum personis sermo attribuitur: vt in oratione pro Cælio, pūsio frater & Appius senex loquentes introducuntur.

MVT A denique loquantur] Prosopopœiam significat, cum rebus personæ tribuuntur: vt Cicero in Catilinam loquentem facit patriā, M. Tulli quid agis? Tūne eū quem esse hostem comperisti, quem ducē belli futurum vides, quem expectari imperatorem in castris hostium sentis auctorem sceleris, principem cōiurationis, euocatorem scelerum & ciuium perditōrum, exire patieris? &c. Nomine prosopopœiæ Fabius etiam fictas personas complectitur.

Q V A E magna habentur] Quanto enim maius apparet id esse quod alicui accedit aut dignum aut indignum, tanto grauior affectus oritur.

NATVRA, Vt cœlestia] Qualia sunt tonitrua, imbræ repentina, tempestates subitæ, siderū & stellarum inauditæ mutationes: qualia etiam quæ à Deo immitti creduntur, oracula, vaticinia, responsa, somnia: qualia item monstra, cometæ diurni, &c. Inde plurimè ducuntur amplificationes: quæ vt admirabilia maxime mouent. Sic Cicero de simulacris ex fano Apollinis à Verre sublati, Tum inquit, subito tempestates coortæ sunt maximæ, iudices, &c. & Virgilius i Georg. atrocitatem Cæsarianæ cædis hac arte amplificat. Solem quis dicere falsum Audeat? Ille etiam cæcos instare tumultus

Sæpe monet, fraudémque & operta tumescere bella:

Ille etiam extincto miseratus Cæsare Romam, &c.

V SV quæ videntur hominibus aut prodeesse] Grauitas rerum nō tantum natura, sed etiam vsu æstimatur. Vsu magna videtur, quæ tuendæ hominum naturæ & retinendæ societati plurimū prosunt aut obfunt, aut prodeesse obessue videntur. Eius generis præcipua tria enumeraat, quæ homines permouere in primis soleant, charitatem, amorem, honestatem. Ex iis frequentes ducuntur amplificationes, quales multæ sunt in actionib. in Verrem, & passim apud Ciceronem.

E X iis & cohortationes sumuntur ad ea retinenda] Vt Philipp. 3, Aliquando perdeos immortales P.C. patrum animū virtutémque capiamus, aut libertatem propriam Romanī generis & nominis recuperemus, aut mortem seruituti anteponamus.

E T in eos à quibus ea violata sunt, odia incitantur] Vt in Verrem, Tantæ tuæ Verres libidines erunt, &c. De Philodamo & filio securi percussis: & Actio. 7, de ciue Roman. in crucem acto, Si hæc nō ad ciues Romanos, non ad aliquos amicos nostræ ciuitatis, nō ad eos

qui populi Rom. nomen audissent, denique si non ad homines, verum ad bestias, aut etiam, ut longius progrediar, si in aliqua desertissima solitudine ad saxa & scopulos hæc conqueri vellem, tamen omnia muta atque inanima tanta & tam indigna rerum atrocitate commoquerentur, &c. Vbi & odium in Verrem incitatur, & miseratio afflictorum ex iisdem locis mouetur.

A VT amissis.] Amissarum hoc sit exemplum, de Junio pupillo, Quod ornamentum pueritiae pater dederat, indicium atque insigne fortunæ, hoc ab isto prædone eruptum esse grauiter & acerbe homines ferebant. & illud, Includuntur in carcerem condemnati, supplicium constitutur in illos, sumitur de miseriis parentibus nauarchorum: adire ad filios suos, liberis suis cibum vestitumque introferre prohibentur. Patres hi quos videtis, iacebant in limine, matresq; miseræ per noctabant ad ostium carceris, ab extremo complexu liberu exclusæ: quæ nihil aliud orabant, nisi vt filiorum extremum spiritum excipere sibi liceret.

QVAM ex beato miser.] Huc pertinet quod dicitur, Vbi non sis qui fueris, non est cur velis viuere: & pro lege Manilia, Hoc iam fere sic fieri solere accepimus, ut regū afflīcta fortunæ facile multorū opeles allicit ad misericordiā, &c. Exemplum insigne est pro Rabirio Posthumo, Occultat pecuniā Posthumus: latet regiē diuitiæ, &c.

EXPRIMAtur breuiter. Cito enim arescit lachryma.] In lib. de Inuētione hoc dictū Apollonio Moloni tribuitur. Fabius cur breuiter miseratio sit exprimenda, scribit. Nā cū etiā veros dolores mitiget tēpus, citius euanescat necesse est illa quam dicendo effinximus, imago: in qua si moramur, lachrymis fatigatur auditor & requiescit, & ab illo quē ceperat impetu ad rationem reddit. Itaq; Cicero abrumpit pro Milone, Sed iam finis sit: neque enim præ lachrymis iam loqui possim.

NIMIS enucleandum est] Enucleare, est ita rem aperire, ut singula persequaris, quod vt tenue & exile, ab amplificatione quæ magna requirit, remouendum est.

SED est consultatio quasi pars caussæ] In veteri quodā codice scriptū est, Sed est propositū latius, quasi pars caussæ: quod nūc exposuimus. Idē reperias in Topicis. Cū enim caussam in certis quibusdā rei vel personæ attributis cerni dixisset, addidit, Propositū autē in aliquo eorū, aut in plurib⁹, nec tñ in maximis. Itaq; propositū pars caussæ est. Pars, inquā, caussæ est propositū, quia propositū causa cōplicetur, & præter propositū addit circumstātias, vt iam significauimus.

Cuius

CIVIS genera sunt duo] In Topicis nō tantum ad propositū, sed & caussam refert, cū ait, Quæstionum autem quacūque de re sint duo sunt genera, &c. Sed ad quæstionē eā hoc loco retulit, quæ frequētius his generib⁹ distincta est. Nā eiusmodi quæstiones, Legesne Romanę ab externis sumptae sint rationi cōsentaneę:&, An Socratis sit, remp. Atheniensium gubernare, raro admodum adferuntur.

ALTERVM actionis τρόπος ἀνυψώ apud Aristot. in Topicis iisdē partibus distinctum est, sed addita tertia, quæ nec in scientia nec in actione versetur. Talem ait esse quæ de dialecticis est seu de sermone quæstionem: sed cam vt inusitatam Cicero prætermisit, aut certe nomine cognitionis complexus est.

SIT necne, quid sit, quale sit] Quæstionē scientiæ totidem partibus diuidit Aristotel. in Analyticis posterioribus, & ipse Cicero in Topicis: quorum primum genus ait explicari conjectura: secundum definitione: tertium iuris & iniuriæ distinctione.

I V S in natura sit, an in more] Hoc sic extulit in Topic. A naturā ius profectū sit, an aliqua quasi cōditione hominū & pactione.

ALTERVM quod ad aliquod commodū vsumq; refertur] Aristo. Quæstionē bipartitā facit, aut ad eligendū, aut ad declinandū. Cicero quæstionē ad vtendū addidit, quæ ad duo super iora referri potest. Sed vidit Cicero non modo queri de persequēdō aut declinādo quæstiones oriri, sed iis rebus etiā aut adeptis aut vitatis quæstionē de v-tēdo nonnunquā existere. Nisi ad partitionē Stoicorū inspexerit, Rerū alias esse bonas, quæ psequēdæ sint: alias malas, quæ declinādæ: alias neutras, q̄bus ad nostrū cōmodū aut incōmodū vti abiutive possim⁹.

V N V M genus est quæstionis, possitne aliquid effici] Hanc quæstionis ad cognoscendū partitionē quatuor partibus cōplexus est in Topicis Cicero, Sítne aliquid, An possit commutari (hæ pertinent ad primum genus, possitne aliquid effici.) Vnde ortum sit, Quæ caussa efficerit: quæ, vt ait Fabius, eadem propemodum sunt. pertinent ad alterum genus, Quemadmodum quicque fiat.

I N altero disputandum est, aliud, an idem sit.] In Topicis definitioni finitimus esse illud genus ait quod appellatur de eodem & altero, quod genus forma quædā definitionis est. Si enim queratur, Idēne sit pertinacia & perseverantia, definitionibus iudicandum est.

I N altero autē descriptio generis alicutus] Explicatus in Topic. Cum quid sit queritur, notio explicanda est & proprietas, & diuisio & partitio. Hæc enim sunt definitioni attributa, additur etiā descriptio. Huius exemplum postea subdit, qualis sit avarus, qualis assentator, in quibus natura & vita describitur.

A V T de honestate, aut de vtilitate, aut æquitate] Qualitatis seu vt appellat in Oratore, consecutionis quæstio latius patet, quam honestum, vtile, æquum, aut eorum cōtraria, turpe, inutile, iniquum: sed ea tantum sumpsit, quæ ab oratore tractari solent. A Equitas honestatis pars est: discreuit tamen, quod nōnunquam honestū quid sit, quod æquum minime videatur: vt quæ summo iure recta sunt eadem & honesta, plerunque tamen iniqua videantur: ex quo illud, Summum ius, summa iniuria.

HONESTVM ne sit pro amico periculum aut inuidiam subire.] Exempla hæc non tam cognitionis sunt quam actionis, sed ipsa quoque actionis quæstio cognitionem complectitur, & nōnunquam disputatur de eiusmodi, non vt efficiatur quid, sed vt rei ratio intellegatur.

S E D etiam ex comparatione] Comparationum duo genera facit in Topicis, vnum de eodem & alio, alterum de maiore & minore. Primum genus retulit ad definitionem: posterius accommodat quæstioni qualitatis. In Topicis tamen & de Oratore vtrunque qualitati subiecit: sed aiunt idem & aliud alias ad naturam & definitionem rei accommodari, alias ad eius accidentia referri.

RESTAT actionis locus.] In aliis est, Restant actionis, & intelligitur, genera.

Q Y O D ad rationem officij pertinet] In hoc genere, quid rem faciendumque sit quæritur: cui loco omnis virtutum & vitiorū est sylua subiecta, vt est in secundo de Oratore.

C V I quidem generi contrarium est] Secundi generis quæstionis quæ ad agendum refertur, vna pars est posita in sedandis, tollēdīsue permotionibus: altera illi contraria, in gignendis animi motibus versatur. Vtranque enim partem huic generi subiectam docet in Topicis, & tertio de Oratore.

V T ex eiusdem locis ad fidem & ad inueniēdum] Lego, & ad mouendum, ex iis quæ supra dicta sunt. Nam ubi questionum dispositio nem supra explicabat, Habeo, inquit, communia præcepta fidē faciendi & commouendi, &c.

COLLOCANDI autem quæ est exposita.] Ita in superioribus exponebat: Omnem collocationem ad finē accommodo quæstionis. Nā est in proposito finis, fides: in caussa, & fides & motus. Vide & que illic sequuntur.

DISTRIBVTIONE propositorum & consultationum, controuersiarum & caussarum genera] Strebæus legit, Propositorum consultationum,

tationum, controversiarum caussarum genera. Arbitror ex glossate quodam huc irrepsisse duo verba, consultationum, & controversiarum: quod Cicero proposita consultationes nonnunquam, & caussas controversias appellat.

L A T V M genus esse potest] Versatur enim non modo in hominum, sed etiam in deorum, animantium ratione carentium, & rerum inanimatarum laudatione: sed quod frequentius tractet orator, id in hominum exornatione positum est, aut vituperatione.

VBERIVS ad dicendum.] Cum enim ad voluptatem comparatum sit hoc genus, elaboratum etiam si palam id fiat & aperte, placet, cum in aliis generibus suspecta sit vnde exquisita exornatio. Itaque & liberius locos communes de virtutibus ac vitiis tractat, adhibet verborum copiam & ornatiorem eorum constructionem, argutos certosque & circumscriptos admittit orationis ambitus, liberioreq; numerorum licetia vtitur. Talis est Euagorae laudatio apud Isocratem, Traiani apud Plinium.

A Vt utilius ciuitatibus] Id enim Reipub. plurimum conductit, ut probitas laudetur, contra improbitas vituperetur: illud ad accedendos ad virtutem homines: hoc ad auertendos à vicio. Laudata, inquit poeta, virtus crescit, & immensum gloria carcer habet.

A Vt in prouisione posteri temporis] Aristot. præsens tempus de monstrationi, futurum deliberationi, & præteritum iudicio tribuit. sic enim ex temporis partibus genera caussarum metitur. Cicero nō probauit præsens tempus tribui demonstrationi, quippe quæ res & præteritas & præsentes & futuras tractet. Itaque omisso præsenti tempore, futurum deliberationi, præteritum autem iudicio concessit.

S I N E vllis argumentationibus.] Tractatur enim res certa & quæ confirmationis non indigeat: itaq; tota oratio veluti quædam perpetua narratio est & expositio cum amplificationibus, & omnis generis exornationibus. Quanquam si incident loci, de quibus dubitetur, interdum confirmatione & confutatione vtendum est: vt cū aliquod factum in speciem improbandum videtur. Ut si quis C. Cæsarē laudabit, excusabit eum, quod bellum aduersus patriam mouerit, lassitus ab inimicis, à quibus fuisset oppressus, nisi ab exercitu auxiliu implorasset.

A D animi motus leniter tractandos] Omnia enim ad voluptatem spectant: itaque οὐθεὶς, qui lenes motus sunt & placidi, potius quam πάθη adhibenda sunt.

SINGVLORVM verborum insignibus.] Id est, ornamentis, &

quasi luminibus quibusdam. Sunt enim similia illis quæ in amplio ornatu scenaæ aut fori appellantur insignia: non & sola ornent, sed quod excellant, ex Oratore ad Brutum. Huc pertinent præcepta supra explicata de suavi oratione, quorum bona pars hic repetitur.

TRANSLATIS frequenter] Translationes enim hîc frequentis simæ debent esse, quoð eæ propter similitudinem transferant animos & referant ac moueant huc & illuc: qui motus cogitationis celeriter agitatus per se ipse deleat.

NON ad similitudinem versuum] Liberiore numerorum licentia hoc genus orationis, vt iam dictum est, vtitur. Nam etiam de industria, & aperte ac palam licet conspiciantur elaborati numeri, & circumscripsi verborum ambitus: quod in aliis caussis & rarius multo fit, & certe occultius. Vitanda tamen est tanta numerorum consecratio, vt versus videantur: quo nomine Thrasymachus, Gorgias, & Theodorus Bizantius notantur à Cicerone in Oratore ad Brutum.

ILLA ornamenta rerum] Huc pertinent quæ de suavi oratione ornamenta rerum supra explicata sunt: cum aliquid aut non visum, aut non auditum, aut nouum dicitur: quæ omnia quod sint admirabilia maxime deleant.

PRIMA sunt externa] Explicatis ornamentis, iam huius generis quasi materiâ tractat, vnde loci laudationis duci possint, interimq; collocationē attingit, ac ordinem eum probare videtur, qui à leuioribus ad grauiorâ, & à vilioribus ad præstantiora progrediatur.

A GENERE.] Si similes aut dissimiles parentum filij sunt. Nâ liberis fere fluunt ex parentibus honeste ac turpiter viuendi caussæ: & præclarum est illustri generi respondere, aut obscurum genus illustrare.

MODICE QVE laudato.] Vera enim laus non ex genere est & externis aliis bonis, sed ex animo virtuteque spectanda: itaque cum modestia laus maiorum tractanda est, non exaggeranda supra modū.

VEL ad augendam eius quem laudas, gloriam, tacto.] Sic Cicero consulatum suum celebriorem facit, cum suos maiores laude populari ac reip. luce fatetur caruisse, in Oratione contra Rullum.

QVÆ virtutem maxime significat.] Ex quo illud, Gratior est pulchro veniens è corpore virtus.

TEMPORVM seruandus est ordo.] Ut cum ordo historiæ seruatur, qui maxime decet in laudationibus, ne rerum ordo confundatur. Aliquando tamen ordinem hunc directum mutare licebit in contrarium, vt à postremis ad prima redeamus: aut etiam facta in certa vir-

ta virtutū genera distribuimus, vt in lege Manilia de laudib⁹ Pōpeij.
 Ex multis & variis disputationibus.] Hic virtutum & vitiōrum
 locus plenam requirit philosophiæ quæ est de moribus cognitionē:
 breuiter autē eius capita perstringit, non ex vnius sectæ philosophorum
 sententia, sed ex multis sententiis eorum suo iudicio & arbitrio
 quæ ad oratorem pertinere videbantur, delibans. Nam prima virtutum
 diuisio in eam quæ scientia, & eam quæ actione cernitur, Aristotelis
 est: q̄ autē ex cōmodis & incōmodis perturbationes nasci in-
 nuit, id Stoicis debetur. Partium autem diuisio definitiones ma-
 gna ex parte Platonicę sunt. Partitio autē vniuersa ex eo sumpta est,
 q̄ virtutis agendi propriā rationē esse putauit ex Aristotelis senten-
 tia, mediocritatem quandam, quę caueat ne aut nimium aut parum in
 omni actione motus animorum possint.

Q V AE calliditas] Calliditas peritia est quædam ex multo vsu ac
 experientia conquisita. Callidos, inquit Cicero, appello, quorum tan-
 quam manus opere, sic animus vsu concalluit.

S C I E N T I A pollet vna] Id est, in sola cognitione versatur, ob
 idque subiectam habet quasi materiam, veritatem. Eam principem
 omnium virtutum appellat in Officiis.

C V I tēperantię nomen est] Hoc ab Aristotele non multū discrepat. Dicit enim tēperantium esse conseruatricē prudentię, i. quę omnia tum dicta tum facta moderetur, prudenterque gubernet, & Menáder ait, τα μείον θεῖν ἀρετῆς ή σωφροσύνη, & Xenophanes eandem θεμέλιον σοφίας appellat.

I N suas itidē res & in communes distributa est] Temperatia aut rerū est priuatarū, aut publicarū. Si rerū est priuatarū, aut in commodis absentib⁹ nō expetē lis cernitur, & ea quibusdā cōtinentia dicitur: aut in presentib⁹ abstinentia, quę est abstinentia. Totidem modi ex incōmodis nascuntur. Aut enīis instab⁹ obstat, quę fortitudo est: aut iam presentib⁹ tolerandis insistit, quę patientia nominatur.

C V I V S est liberalitas] Ad animi magnitudinē liberalitas p̄tinet, quę in rerū externarū despicientia est posita, vt ad largitionē suppetat, quando & quibus oportet. Alias hanc iustitiae subiecit, aliam intuitus rationem, quod quæ liberaliter in egentes conferuntur, ea illis tanquam sua debeatūr.

G R A V E, insedatū & turbulentū] Alia lectio magis placet, Graue, sedatū, & non turbulentū: vt intelligamus grauitatē, animiq; constātiā, quo minus perturbetur, ad animi magnitudinem pertinere.

V V L G Q autem bonitas] Sic primo Officiorum scribit, à iu-

Ititia viros bonos appellari.

Q V AE virtus omnis in ratione scientiaque disputandi] Artem differendi, id est, dialecticam significat, quam ex Stoicorum sententia, ut & artem dicendi, virtutem facit, sed sapientiae ministram. Illa enim rationem habet, ne cui falso assentiamur, neve vñquam captiosa probabilitate fallamur: hæc copia orationis suppeditat, ut sapienter ex cogitate dilucide possint explicari.

C V S T O S vero virtutum omnium] Qui enim verecundia praeditus est, non modo ab iis vitiis quæ ab aliis conspicuntur, sed etiam semotis arbitris à flagitiis omnibus, non tam aliorum conspectum, quam suam ipsius conscientiam reueritus, abstinet.

Q V A S I quidam habitus animi.] Nisi enim actionum frequentia virtutes sint comparatae, non virtutes sunt, sed virtutum quædam inchoationes atque initia, quales sunt ad certam quandam virtutem elucentes in hominibus propensiones, & inchoata studia.

S V Nt autem alij quidam perfecti animi habitus] Vocem, perfecti, codices veteres non habent, quæ vox huc nō admodum pertinet, & totam sententiam obscuriore reddit. Loquitur enim de quibusdam quasi exercitationibus ac studiis, quæ ad virtutem tam rerū priuatuarum quam communium comparandā, & tanquam alendam pertinent: qualis in genere virtutum quarum scientia finis erat, dialectica & ars oratoria dicta est.

Q V AE virtutem videntur imitari] Sunt enim vitia quædā virtutibus quam simillima, quæ callidores oratores sapissime facta deriuitione, nominibus virtutum tegunt, si laudent: sique vituperent quæ virtutes sunt, vitiorum finitimorum appellationibus obscurant: ut cum audacem fortem, & contra fortem audacem nuncupant. Cuius generis catalogum satis longum hic Cicero refert: ubi virtutum extrema vitiola pro virtutibus ipsis sumuntur, aut contra, virtutes pro extremis.

S E D in toto quasi cōtextu orationis] Explicatis summatim propriis generis demonstratiui locis, nunc frequentiores resumit, qui ab oratore cerebri usurpari solent.

Q V E M A D M O D V M quisque generatus] Ut Caius Cæsar apud Suetonium Iuliam amitam laudans, Nam ab Anco Martio, inquit, sunt Martij reges, quo nomine fuit mater: à Venere Iulij, cuius generis familia est nostra. Est ergo in genere & sanctitas regum, qui plurimum inter homines pollent: & ceremonia deorum, quorum ipsi in potestate sunt reges.

QVEMADmodum institutus moratique fuerit] Ut si Achilles laudetur, quod institutus sit arte medica & musica à Chirone Centauro, aliis autem disciplinis à Phenice.

S I id diuinitus potuerit accidere.] Mouent enim ea maxime quæ diuina putantur, & ob id ad laudationem potissimum valent, si amplificentur & illustrentur.

E X illisque iisdem inueniendi locis caussæ rerum] Ex locis etiam Topicis illis quos supra cum de inuentione tractaret explicauit, licet & laudationes sumere, vt cum caussas factorum, euentus, antecedentia, consequētiaque requiruntur. Sunt enim ad has demonstrationes accommodi hi loci, vt ex caussis consilia factorum, ex euentis successus prosperos illustremus: ex antecedentibus ingenium & prudenteriam, ex consequentibus vtilitatem amplificemus.

A V T in ipso genere mortis.] Ut Philippica 14 de iis qui ad Mutinam occubuerunt. Sic laudatus est Iulius Cæsar, quod vulnere accepto, sinum ad ima crura deduxerit, vt honestius caderet, etiā inferiore corporis parte velata.

A V T in iis rebus quæ post mortem erunt consecutæ] Ut si quis Cæarem laudet à cometa qui eo interempto apparuerit, & prodigiis consequentibus, quasi eius innocentie & numinis irati testibus.

I N sententia dicenda] In deliberando, seu orationis genere deliberatio, quod in suadendo & dissuadendo, in adhortando & dehortando, inque similibus negotiis versatur.

F I N I S vtilitas.] Addit Fabius honestatem, cum eorum reprehensione, qui finem huius generis vtilitate tantum metiuntur: sed ex diuisione vtilitatis, quam Cicero subiunget, satis patet vtilitatem Cicero ad honestatem etiam extendisse. Adde quod Stoici nihil vtile dixerunt esse, quod idem non esset honestum.

Q V I D aut possit fieri, aut non possit] Possibile Fabius appellat & impossibile. Argumentorum autem huius generis locos quatuor enumerat, Possibile, Necessarium, Vtile, Facile: additur & Honestum. Quorum duo prima ἀτέχαια videri possint, nec indigere monitore, quod quæ fieri non possint subdeliberationem non cadant: & necessitas non solum dubitantes hortetur, sed cogat etiā inuitos. Sed quia hi duo loci non conspicuntur ab omnibus, ideo proponuntur, vt ex caussis eruantur, & prolata dicendo illustrentur. Nā si quo pæcto sua- sor ostendere possit non modo vtile, sed & necessariam rem esse, co- fecta res est: vt contra si dissuasor dicendo possit confirmare id de quo deliberatur fieri non posse.

S V A S O R I proponitur simplex ratio.] Qui enim suadet vna
hae ratione coniuncta suadere possit, si confirmet id de quo agitur v-
tile esse, & fieri posse. Si pace frui volumus, bellū gerendū: si bellū o-
mittemus, pace nunquā fruemur. Vtile propositū est, quod fieri possit
subiungit, Eos consules habemus, eam pop. Romani claritatem, eum
consensum Italię, eos duces, eos exercitus, vt nullam calamitatē resp.
accipere possit sine culpa senatus, Philippica 7.

D I S S V A S O R I duplex] Dissuasit enim qui id probauit vtile non
esse quod instituitur. Dissuasit & qui rem propositam fieri non posse
confirmauit. Ut autem suasori non est opus vt doceat quod sit necef-
se, ita dissuasori non sit satis, si ostendat quod necesse non sit. Cur igi-
tur pacem nolo? quia turpis est, quia periculosa, quia fieri non potest,
in eadem contra Antonium oratione.

B O N O R V M partim necessaria] Popularis est hæc diuisio, in qua
necessarium, non vt in philosophia sumitur, sed necessarium accipi-
tur, sine quo libere citrāque molestiam viuere plerique nolint. Nam
sine liberis sine cognatis & cæteris generis eiusdem & liberum & sal-
uum viuere licet.

E O R V M autem quæ propter se expetuntur] Quæ bona cor-
poris & fortunæ expetēdis propter se subiicit, ea intelligamus, quæ
cum vtilitate coniunctam habent honestatēm vt honos & gloria, vt
amici.

Q V O R V M alia sunt quasi quodammodo] Id est, Eorum enim
corporis & fortunæ bonorum, partim cum honestate coniuncta sunt,
& ea expetēdis propter se subiiciuntur: alia non coniuncta cū hone-
sto, sed tantū vtilia, quæ ad secundū mēbrum non necessariū perte-
nent, vt hac postrema diuisione Cicero significauerit, quæ cōmoda p
se expetēda dicere voluerit. Sic & verba quæ in codicibus sunt, reti-
nebuntur, & dubitatio omnis sublata erit. Arbitratus sum aliquando
locum eum, Eorum autem quæ propter se expetuntur, sic legendum
esse, Eorum enim quæ expetuntur: vt ad genus vniuersum reuocata
fuerit diuisio, sed iisdem partibus tum erit diuisio, quæ fuit non ne-
cessariorū bonorum. Doctiores iudicent.

S V B I E C T A honestati] Eam enim supra iustitię partem fecit,
& Aristoteles ait, in quo amicitia sit, in eodem & iustitiam esse. Ami-
citiae duas partes facit, Charitatem, quæ est religiosa quædam obser-
uantia & reuerentia, in superos, in parentes, in maiores, inque eos o-
mnes, quos sancte colere debemus. Alteram partem, Amorem, quæ
benevolentia quædam est cum ardore quodam coniuncta, qua pares
& inse-

& inferiores complectimur. Hæc duo genera magnam copiam suæ ad cohortationes & dehortationes suppeditant. Hinc toties apud historicos repetitur, Pugnandum pro aris & focis, pro liberis, pro coniugibus, pro patria, &c.

P R A E C E P T A referamus] Qui mouentur vtilitate homines, apud eos si suasorem agas aut dissuasorem, ad commoda omnis oratio spectet: apud alios qui honestatem sequuntur, oratione vtendum est quæ honestatem illustret. Itaque diligenter mens auditorum inuestiganda est, vt ad eorū sensum omnis accōmodata sit oratio. Si pleniorē honestatis & vtilitatis comparacionem requiras, vide 3 de Offic.

Q V A N T O magis homines mala fugiant. Imperiti honestate non tam ducuntur, quām trahuntur dedecore. Itaque contrarium honestatis adferendum est, quod argumentum acerrimum habet, & efficacissimum. Hoc si feceris, honos te sequetur. Vehementius erit si dicas, Si non feceris, pessundabit te ignominia, &c.

Q V A R V M rerum dolor grauis est] Nemo enim tam agrestib⁹ studiis viuit, qui non ipsa turpitudine offendatur, qui non dedecus oderit, reiiciatque si possit infamiam.

E S T genus hominum ad honestatem natum] Ad duo superiora hominum genera tertium quoddam medium adiungit, quod ipsum quidem bona natura præditum sit, sed mala disciplina depravatum & corruptum. Eiusmodi mouentur, si viam rationēque proponas, qua bona consequi possint, & mala declinare. Potest & hoc generaliter de vtroque superiore genere accipi, vt caussam explicet, cur non tam bona sequantur, quām mala fugiant.

Q V A E in communi hominum vtilitate tuenda] Tales sunt religio, pietas, fides, iustitia, amicitia, liberalitas: quæ gratæ sunt maxime hominib⁹ eruditis & bene institutis, ad eosq; mouēdos accōmodate.

M A X I M E ex caussis.] Loci huius generis proprij, Possibile, Facile, Vtile, ducuntur ac nascuntur ex loco caussarum. Nam cum huiusmodi orationis finis sit non cognitio, sed actio, idcirco eius proprij loci, Vtile, Facile, Possibile. Nomina habet à fine, vt animos ad agendum impellat. Expetimus enim honesta & vtilia, si tamen consequi, & quidem facile consequi possumus.

N A M sunt aliæ quæ ipsæ cōficiunt. In Topicis, Caussarum, inquit, genera duo sunt. Vnum quod vi sua id quod sub ea subiectū est, certe efficit, vt ignis accendit. Alterum quod naturam efficiendi nō habeat, sed sine quo effici non possit: vt si quis æs caussam statuæ velit dicere, quod sine eo non possit effici.

A L I A est absoluta & perfecta per se] In Topicis hoc genus appellat, quæ plane efficiant nulla re adiuuante, vt sapientia efficit sapientes sola per se: sic artifices per se soli suum opus efficiunt. Prætor iudicia & bonorum possessiones solus dabant, magistratus leges promulgabat, decernebat senatus, populus de capite iudicabat.

A L I A aliquid adiuuans] Vt auxiliares copiae in bello, cultura in agris, exercitatio in arte dicendi, &c. Huius generis alia plus, alia minus possunt: vt plus in bello valet imperator, quam miles: plus in classe gubernator, quam aliis qui quis potest.

S V N T autem aliae caussæ] Hoc genus in Topicis subiecisse videtur iis sine quibus confici non possit. Earum enim duo genera facit. Alia, inquit, sunt quieta, nihil agentia, stolida quodammodo, vt locus, tempus, materia, ferramenta, & cætera generis eiusdem. Alia autem præcursionem quandam adhibent ad efficiendum, & quædam affecturunt per se adiumenta, et si non necessaria, vt amori congressio causam attulerit, amor flagitio. Nam quod materiam huc referunt & finem, non placet. Est enim materia eorum sine quibus effici non potest, & finis conficientium. Huius generis intelligamus quamcunque originem & occasionem quod dederit: aut inchoatam ab alio efficiente rem perfecerit. Vt Romulus est caussa reipub. Romanæ: Helena excedij Troiani. Item minor Africanus belli Punici confector, Pompeius Mithridatici, &c.

D E efficiendi ratione dicamus] Id est, quam facile possit, quamque expedit. Nam non placet quod de comparatio deliberationis generre hoc interpretantur.

Q V O toto genere, quibuscum] Accommodat ex caussis locos huius orationis generi, proprios, vt videamus, quibus adiuuatis & sociis res faciliter efficiatur, & contra quos res suscipiatur, vt facilitas appareat. Valēt & tēporis & loci momenta, vt res faciliter fiat: valēt & efficiētia, vt ab bellū si copie, si arma, si socij, & cetera generis eiusdem adsint.

E T si ex contentione] Valent & in hoc genere comparationes, vt quę suademus cum aliorum sententia collata, faciliora, & magis expedientia reip. videantur.

DISSVADENTIBVS autem aut utilitas labefactanda] Duplēcem dissuasori rationem supra tribuit: si aut confirmet utile non esse quod propositum est, aut non facile. Argumenta ex iisdem locis ducuntur, ex quibus suasor ducebatur.

EXEMPLORVM, aut recentium] Fabius ait, Vsum exemplorum nullo in genere plus momenti habere, quam in deliberatione: cum plerunque

plerumque videantur respondere futura præteritis, habeaturque experimentum velut quoddam rationis testimonium.

MEDITATVS, vt possit vel vtilia ac necessaria sæpe honestis.] Talia sunt hæc, Turpe est Ciceronem fugere, sed vtile patriæ: quare vincat vtilitas, quæ honestatem ad se conuertit .& , Vtile, non iritare Antonium, nec bellum suadere: sed turpe vero deserere Rempub. & libertatem prodere: quare vincat honestas, quæ etiam si moriendum sit, tamen à vera vtilitate non seiungitur, cum satius sit emori, quam tyranno seruire.

A D commouendos autem animos] Ad duo capita hæc tota ratio commouendi reuocatur, ad spem & metum. Ad spem pertinent, expletio cupiditatum, odij satiatio & vltio iniuriarum: ad metum, incertus status fortunæ, dubius euentus rerum futurarum, & præsentium retentio aut vitatio.

H VIVSMODI sententię] Sententias dicit orationes sumptas de moribus, quæ aut quid sit agendum, aut quid in vita oporteat fieri breuiter ostendunt.

A D explendas cupiditates] Qualis est, Hominis est cordati, quo iure quaque iniuria quod suum est vindicari.

A D odium satiandum] Ut, Præstat odiosum esse, quam miserabile.

A D vlciscendas iniurias] Ut, Vim vi repellere licet. Si bene dixisse, audisset bene.

T O T A autem oratio simplex & grauis.] Oratio deliberativa exultare non debet copia & ornamentis verborum, vt demonstratiua: itaque bene Aristoteles præcipit, in hoc genere vitandam esse maxime affectionem: quanquam elocutio tribuenda est pro rerum magnitudine, quod vult Fabius. Grauitas sententiarum maxime decet, ut suadetis auctoritati auditor assentiatur, & rerum magnitudo elucescat.

F I N I S est æquitas] A Equitas videtur finis esse duntaxat status qualitatis. Sed Cicero vel finem præcipuae partis toti generi tribuit, vel certe intellexit totum genus eō spectare, ut iudex ex æquitate statuat.

E X comparatione nonnunquam] Genus hoc comparatiuum ratio in tota causa spectari Fabius ait, sèpius in parte.

V T cum de verissimo accusatore disputatur] Appellantur hæc de constituendo accusatore iudicia, diuinationes, qualis est Ciceronis in Verrē, ubi queritur, Deberétnē Cicero an Cæcilius Verris esse accusator.

SINE lege aut sine testamēto] Talis fuit illa contētio inter Marcellos & Claudioſ, de qua Crassus i de Orato. Quid? inquit, qua de re inter Marcellos & Claudioſ patritios Centumuiiri iudicarunt, cum Marcelli ab liberti filio stirpe, Claudiij patritij eiusdē hominis hæredi tategēte ad ſe rediiffe dicerent: nonne in ea cauſſa fuit oratoribus de toto stirpis ac gentilitatis iure dicendum? Tale & hoc exemplum defertur, vt ſi emancipatus fratriſ & ſororiſ filius, quorum neuter agnatus eſt, ab intestato cum hæreditatem lege petere non poſſent, tamen bonorum poſſeſſionem à prætore peterent. Sed hoc ius hodie certis legibus constitutis mutatum eſt.

DE conſtituendo ipſo iudicio] Conſtituere iudicium, Budæus ait eſſe quod vulgo dicunt, euacuare finem non ulterius procedendi. Id genus contentionis eſt, quam translationem vocant, cum quæſtio eſt, an iſ ager quem oportet, aut cū eo quicū oportet, aut apud quos, qua lege, qua poena, quo crimine, quo tempore oportet. Vt in Miloniana cauſſa actū eſt, veteribus legibus an nouis quærendum eſſet.

SITNE a ctio illi qui agit.] A ctio ius eſt perſequēdi in iudicio quod ſibi debetur. Ex iure ciuili, Ignominiosus agere non potheſt: itē non potheſt agere impubes per ſe.

AVT iamne ſit] Vt ſi ante diem in ſyngrapha ſcriptum à me cre ditum exigeres, exceptione uter, & actionē tuā repellerem.

AVT nūiam eſſe deſier.] Vt ſi post annos xx ciuili lege definitos ad uſuacationē rei aliquis rē uſurpatā ſuā aſſereret, a ctio repelleretur.

HISNE verbis.] Certae erant verborum conceptiones, quibus vtebantur in actionibus: itaque ſi verbum mutaſſes, cauſſam amifſiſes, quod dicebatur formula cadere. Iuſtinianus tamen eiusmodi formularum aucupia & captiones ſuſtulit.

CONCERTATA, aut diiudicata, aut confecta non ſunt.] Id vulgo dicimus, debatre, appoincte, vuyder. Cæterum eiusmodi translationes, id eſt, de conſtituendo iudicio contentiones, nonnumquam ante iudicium traſtantur, nonnunquam iudicio iam conſtituto inter cætera cauſſæ adiumenta adferūtur, vt cum dicimus, Nos quoque ſi velimus, vti translatione poſſe & actionem ſummouerem.

PLVS petiſti.] Formulæ exceptionis erant, quibus actionis iniuitati occurrebatur.

NON fuit tua petiſio] Id eſt, Non debuisti petere quod nec tibi debetur, nec alicui cuius ſiſ procurator.

NON hoc iudicio.] Id eſt, non apud hunc iudicem: vt, Non debes apud Prætorem petere fideicommissum, ſed apud consules:

SCIENTIA neglecta ab oratoribus plerisq; J Lōga huius generis
disputatio est lib. i, de Orat. in vtrāq; partē inter Crassū & Antoniū.

D E constituendis actionibus] Causæ hæ translatiæ non tan-
tum ante legitimū iudicium, sed etiam in parte causæ tractantur,
ideo sunt eiusdem generis, cuius causæ ipsæ iudiciales, nec ab iis, ni-
si interdum tempore, distinguuntur. Constituere actionem, est cum
qui litem intendit actorem admittere. Accipere subiréque iudicium,
est exclusa translatione actoris intentionem admittere. Excipere est
elidere iniquitatem actoris, ne subeunti iudicium fraudi sit. Compa-
rare, est diiudicare uter actor aut petitor dignior, aut multorum quis
dignissimus.

T R E S sunt gradus.] De statibus agit, quæ præcepta sunt de inue-
stigando in omni cōtrouersia quæ sit principalis totius negotiij pro-
positio seu quæstio, ad quam omnia sunt argumēta referenda, & quæ
summam rei complectatur. Ea triplex est, ex tribus quæstionū gene-
ribus, an sit, quid sit, quale sit, orta. Cum enim quid factum obiicitur,
& à defensore negatur, status oritur qui dicitur cōiecturalis, An fece-
rit? Cū vero factum conceditur, sed id esse quod aduersarius appelleret
negatur, status oritur finitius, quo nomine factum appellandum sit.
Cum denique, & factum & facti appellatio conceditur, negatur autē
tale esse quale dicitur, status oritur iuridicalis, Re& ēne factum sit?

S I plures non queas] Nam aliquando plures coniungere licet: vt
cum factum obiicitur, & non tantum factum negatur, sed etsi factum
sit, recte factum esse defenditur.

E T rectum esse quod feceris concedendūme defendas] His duo-
bus modis de qualitate controvèrtitur. Aut enim simpliciter rectum
esse quod factum est defenditur, & qualitas absoluta dicitur. Aut fa-
ctum non propter se rectum simpliciter, sed propter causas quas-
dam iustas defenditur, & assumptiuia qualitas nominatur.

A E Q V I & veri & recti & humani.] AEquum ius est non qui-
dem lege comprehensum, id est legitimū, sed iuris legitimi quasi e-
mendatio, quod & equum bonum dicitur. Verum, iustum est quod
exigit ut rem sicuti est faciamus aut dicamus. Rectum, quod cum vir-
tute & officio sit. Humanum, clementia est & lenitas in animaduer-
tendo.

S E D etiam rationem subiiciat recusationis suæ] Ex prima ac-
cusatoris & defensoris conflitione nascitur quidā qui appellatur sta-
tus: vt Orestes accusatus quod matrē Clytemnestram occiderit, fate-
tur, sed iure occidisse defendit: hinc primum quæstio existit, An iure

occiderit. In eo statu non est subsistendum, sed ratio cur iure occiderit, Oresti adserenda est, Quod illa Agamemnonem patrem occidisset. Cui cum firmamentum opponitur ab accusatore ad rationem defensoris labefactandam: Indemnatam matrem, etiam nocentem, occidere non licuit: ex ratione defensoris, & accusatoris firmamento, nascitur disceptatio seu iudicatio, qui verus totius caussæ status est, quod Græcis οὐ πόμπην dicitur, An Orestes indemnatam matrem etiā nocentem occidere debuit, quod illa Agamemnonem Orestis patrē occidisset? Hic status est iuridicalis, ex quo & conjecturalem & definitiū intelligas.

RATIONEM habet iniqui criminis, ipsam negationem] In conjectura, ex accusatione, Fecisti, & depulsione, Non feci, An fecit & primus status est, & postremus . Nam rationem aliam nullam adfert defensor præter facti negationem.

SECUNDVS quod non sit in re] Ut cum defendit se aliud fecisse, quam accusatur, & factum alio nomine appellandum esse contendens, nominis rationem adfert.

TERTIVS, quod id recte esse defendet] Clodium occidisti. Occidi equidem, sed merito, qui mihi insidiaretur.

ID quod si nō esset in accusatione, caussa omnino esse non posset] Id veluti fundamentum est caussæ, & Græcis σωέχει, id est, continens appellatur: firmamentum est accusatoris, quo defensoris ratione labefactare conatur. Ut in hac contentione, Clodium occidisti: Occidi: quia mihi insidiabatur, opponet accusator, Imo tu insidiatus es Clodium. Hęc accusatoris ratio σωέχει dicitur, & Ciceroni continēs caussæ, quod vulgo Budæus ait dici, punctum litis decisorium. Sed cōtinens etiam appellat in Topicis rationem defensionis. Quibus autē, inquit, hoc qua de re agitur, continetur, hęc continentia vocētur, quasi firmamenta defensionis, quibus sublati defensio nulla sit. Itaq; subdit distinguendi gratia, defensoris confirmationem, rationem se appellare: firmamentum autem, quod contra ab accusatore refertur, id est, rationi defensoris opponitur.

QUADRIVIA disceptationem voco] Alias iudicationem vocat, in Topicis ad Trebatium iurisconsultum, Sed quæ, inquit, ex statu contentio efficitur, eam Græci οὐ πόμπην vocant: mihi placet id, quoniam quidem ad te scribo, qua de re agitur, vocari. Ea est quæstio, quæ ex ratione defensoris, & firmamento accusatoris, oritur: qua confirmata, caussa plana est & absoluta. Ut in caussa Milonis, iudicatio est, Vter trii infidias fecerit, Milo an Clodius. Si enim iudicii Cicero probauerit, Clo-

rit, Clodium Miloni insidiatum fuisse, Milo caussam obtinebit.

D I F F V S A M habet quæstionem.] Ex prima enim accusatoris & defensoris conflictione, primum nata quæstio, nondum satis attinet id de quo controuertitur, sed indefinita est. Vbi vero rationes veterque suas subiunxit, tum contentio contrahitur. & proprius quod in contiouersiam venit tractatur.

C E P E R I T N E pecunias Decius] Q. Decius repetundarum accusatus fuit, quod contra leges pecunias accepisset, ut est in secundo de Oratore.

M I N V E R I T N E maiestatem Norbanus.] Coepio proconsul cū C. Manlio apud Rhodanos cladem accepit, & vicitus est à Cimbris. Eum Norbanus turbulentis concionibus accusauit, effecitque, ut à pop. Romano condemnatus, in carcerem coniceretur: vbi periit, & eius bona publicata sunt, corporisque in scalas Gemoneas, à gemitu sic dictas, tractu est. In Oratore Antonius, Mihi ipsi, inquit, cum Sulpitio fuit in Norbani caussa summa contentio. Pleraque enim de iis que ab isto obiciebantur cum confiterer, tamen ab illo maiestatem immunitam negabam: ex quo verbo lege Apuleia tota illa caussa pèdebat.

I V R E N E occiderit Opimius Gracchum] Cum C. Gracchus se constituisset triumvirum agris diuidendis à senatu vocatus, cumque non paruisset, sed Auentinum occupasset, ab Opimio Cos. qui multi tudenm armauerat, oppressus est. Antonius in Oratore, Cū, inquit, L. Opimij caussam defendebat apud populum, audiēte me, C. Carbo cōsul, nihil de C. Gracchi nece negabat, sed id iure pro salute patriæ factum esse dicebat. Alio loco, Quid veniat in caussam ait Rhetores sic iubere querere: Interfecit Opimius Gracchū. quid facit caussam? Quod Reip. caussa, cum ex senatuscōsulto ad arma vocasset. Hoc tolle, caussa non erit. At id ipsum negat cōtra leges licuisse Decius. Veniet igitur in iudicium, Licueritne ex S. C. seruandæ Reip. caussa.

N O N minuit maiestatem.] Ratio est defensoris, in statu finiti-
tuo, petita à definitione maiestatis, quæ in populo est, ut in senatu au-
ctoritas, vt Liuius testatur.

M A I E S T A S est in imperij Firmamentum accusatoris, ex con-
traria definitione. ὅπισμὸν enim & ἀρθροπόν huius status locos
duos esse scribit Hermogenes.

V O L V N T A T E pop. Rom.] Pertinet ad defensoris illam ratio-
nem, Quod pop. Romani iustus dolor vim excitarit, non tribuni a-
ctio. Et enim iure se tuetur, quod populus Romanus, qui lege Vale-
rij Publicolæ sententiam ferebat de capite hominis, comitiis centu-

riatis, iudicarit de Cæpione. Et quod dicitur per vim, ad accusatoris firmamentum spe&tat, quod minuat is maiestatem qui per vim multitudinem ad seditionem vocet.

I T A Q Y E disceptationes eæ quæ in his cōtrouersiis oriūtūr] Id est, cum de qualitate quæritur, aut de rei appellatione. Nam conie&tura hypothesi continetur, ut, An Clodius sit insidiator.

FIVNT rursus infinitæ.] Iudicatio enim quæstionem continet de vniuerso genere, nec personarū rationem habet: vt in caussa Gracchana, Num poena videatur esse afficiendus, qui eiuem ex S.C. patriæ conseruandæ caussa interfecerit, cum id per leges non liceret. Vbi & Opimij & Gracchi personæ nihil adferunt adiumenti.

S E D in grauissimis firmamentis] In Topicis, Sed quoniam, inquit, lege firmius in controvërsiis disceptandis esse nihil debet, danda est opera, vt legem adiutricem & testem adhibeamus. In qua re alij quasi status existunt noui, qui appellantur legitimæ disceptationes, &c. Itaque ait firmamenta ex scripto petita firmissima esse & certa, versari autem in qualitate, non item in coniectura, in quo genere subsistitur in facti inficiatione: nec in definitione, in qua firmamenta non à scripto, sed à re ipsa peti debent.

E X scripto legis] Vt, Non est tua hæreditas, quia factum est testamentum non ex officio pietatis, quod est in officiosum testamentum, vt Paulus iurisconsultus scribit.

A V T verborum ipsius iudicij] Verba iudicij appellat formulas à prætore præscriptas, in quas iudicia dabantur.

A V T alicuius stipulationis] Stipulatio obligatio est seu contractus ex verbis promittentis & accipientis. Nomen habet à firmitate. Nam firmum veteres stipulum dixerunt.

A V T cautionis.] Cautio est obligatio scripto interposita, quales sunt syngraphæ, chirographa, & cætera, vt ratum sit quod actum fuit.

G E N E R E scripti ipsius] Id est, iure scripti, hoc est, recte auctoratus scriptum sit. Scripti enim gentis ad ius, & proinde ad qualitatem spe&tat. Licet tamen definire de scripto, cum de verbi interpretatione quæstio est.

Q V I D sit penus] Penu legata contineri quæ esui potu&que sunt accommoda, tradunt iurisconsulti. Et apud Gellium Q. Scœuola, Penus est, inquit, quod esculentum aut potulentum est.

Q V A E sint ruta cæsa] Ruta cæsa dicuntur omnia quæ solo nō continentur, aut ipso corpore ædium. Ruta dicuntur à ruendo, quia è solo

Esolo sunt eruta, ut calx & arena. Cæsa, quia sunt desecta, ut ligna, seges demessa. Erat autem consuetudo ut in venditione prædiorū ruita cæsa exciperentur.

CV M autem plura significantur scripto] Firmamentis legalibus expositis, colligit disceptationes: quas tres facit, Ambiguum, Scriptū & sententiam, contrarias leges: Græci appellant, ἀμφιβολίαι, ἐντὸν καὶ σέρισι, ὀψικαὶ. Ambigui disceptatio est, ut pro Cecina, quid verbum, deieci, significet. Scripti & sententiae, ut pro eodem Cecinna, cum prætor edixerit, Vnde tu illum deiecisti, Vtrum potius verbum interdicti, an voluntas prætoris sequenda sit. Contrariarum legum, cum alia lex aliam tollere, & inter se pugnare videtur.

QV I D maxime significetur] Id iudicatur potissimum ex grammatica seu phrasī & figuris dicendi. Item ex arte vnde id quod in cōtrouersiam venit sumitur.

VT R VM potius sequatur iudex] Tunc voluntas seu sententia queritur, quando ἐντὸν est aut obscurum, aut absurdum.

VT R VM magis sit comprobandum] Id iudicatur ex eo, si alterum cum ratione consentiat, si circumstantię respondeant, si non detortum ad propositum videatur.

PR O P O S I T A esse debet oratori] Iudicatio seu disceptatio, quæ est totius negotij principalis propositio, ad id inuestigatur, ut sit tanquam scopus & propositum, quò omnia referat orator argumenta, ne non prima cum postremis, aut media cum vtrisque cohærent, fiatque quod ait Horatius, Si quando amphoram instituunt, currente rota tamen vrceus exit.

CA V S S A & euentus. In locis confirmationis conjecturæ locos fecit, Verisimilia & proprias rerum notas: Fabius, An voluerit, an potuerit, an fecerit, sed in hanc diuisionē omnia recidunt. Nā ppræ rerum notæ & fecisse, ad euenta: ad caussas, verisimilia, voluntas & facultas pertinent. In Topicis coniuncta addit ad caussas & effecta.

EA D E M qui de facto argumentabitur, colligere debebit] Antequā factum suscipiatur, solet deliberatio quædam præcedere: itaque loci deliberationis in conjectura tractandi sunt.

VTILITATIS conjectura mouetur.] Rhetores hoc nomine ratiocinationis complectentur: quæ à finali causa sumitur: ut cum ducitur argumentum à spe commodi: Clodio proderat Milonis interitus: ergo verisimile est Clodium fecisse insidias.

AV T spe bonorum] Ex quo illud Cassij, cuius s̄ape Cicero meminit, Quærendum in iudicio, cui bono fuerit.

M O T V S animorum] Rhetores appellant hoc genus impulsio-
nem, quæ continet affectus. Oderat Clodius Milonem: igitur cupie-
bat eum extinx̄tum. Plena sunt omnia locis huius generis.

A T Q V E hæc quidem grauiorā] Euentā vehementius probat
& certius quam cauſſæ. Nam multi cauſſam peccandi habuerunt &
opportunitatem, quam tamen neglexerunt.

V T responsum inconstanter] Nunc affirmando, nunc negando,
aut etiam non sibi consentanea dicendo, vel etiam pugnantia. Hæſi-
tat, qui quod dicat quasi dubitans & querens non inuenit, sed in ser-
mone resistit. Titubat, qui semel dictum reuocat, & quasi lapsus re-
petit.

H AEC enim & talia sunt quæ aut in re ipsa] In Topicis adiun-
ctorum nomine complectitur. Quem locum ait admonere ut quaeratur
quid ante rem, quid cum re, quid post rem euenerit. Ante rē, in-
quit, quaeruntur quæ talia sunt, apparatus, colloquia, locus, constitutū
conuiuum. Cum re autem, pedum crepitus, strepitus hominum, cor-
porum vmbre, & si quid eiusmodi. At post rem, rubor, pallor, tituba-
tio, & si qua alia signa conturbationis & conscientiæ. Præterea restin-
etis ignis, gladius cruentus, cæteraq; quæ suspicionem facti possunt
mouere.

Q V A E si non erunt] Euentis & rei signis si careamus ad conie-
cturam, communī loco vtemur, de calliditate maleficorum in facino-
ribus celandis.

COMMVNIS ille contra locus.] Pro Cluentio hoc vtitur loco,
Hi, inquit, qui ad fraudem callidi sunt, non tantum audent, quantum
excoxitant: illi quorum eminet audacia atque proiecta est, à consiliis
malitiæ deseruntur.

N O N esse expectandum dum fateatur] Expectatis, iudices, dum
Verres crimen fateatur? in manifesto peccato tenetur. argumēta sunt
in eum luce clariora. sic habet se tabulae, vt videtis, Quid expectatis?
sequitur exemplum, Quum M. Scaurus à Cn. Dolabella vexatam A-
siā planum fecisset, iudices reum pertinaciter inficiantem damnare
non dubitauerunt, &c.

I P S V M sua cautione fecisse] Ut ipse contra Verrem ait, Verrem
sustulisse literas publicanorum, itaq; se producturum ait, qui adfue-
runt, homines honestissimos ac locupletissimos, principes equestris
ordinis, &c.

L O C V P L E T I S S I M O S testes] In testibus requiri auctoritatem do-
cet in Topicis, quæ non est in obscuris aut tenuibus. Sed occuren-
dum est,

dum est, fidem ex fortuna non esse indicandam. Adnotandum locupletissimos dici testes, optimos: quod apud Romanos is optimus testimoniis videretur, qui ditissimus esset: quod ridet Iuvenalis, Quantum quisque sua nummorum seruat in arca, Tantum habet & fidei.

C O N F I R M A N D U M genus primum quæstionum erit.] Vlpianus, Quæstionem, inquit, intelligere debemus tormenta & corporis dolores ad eruēdam veritatem. Et Cicero in Topicis, Nam & verbib[us] torti, inquit, & igni fatigati quæ dicunt, ea videtur veritas ipsa dicere.

D E nostrorum etiam prudentissimorum hominum institutis.] Apud Romanos nefas erat hominem liberum torqueri: itaque de servis duntaxat quæstiones habebantur.

D E incestu tamen & coniuratione] Ut in causa Antonij oratoris, qui incestus accusabatur, eius seruus tortus est. Incestus, stuprum est illegitimum, aut cum cognata, aut cum religiosa muliere. In coniuratione Catilinæ quæsitum est de seruis in dominos, propter sceleris atrocitatē, quod aliter explorari & inuestigari res non potuisset, aut certe vix potuisset.

D I L I G E N T E R esse & sine cupiditate quæsitum] Plurimū enim interest, vt inquit Fabius, quis & quem postulet aut offerat, & in quæ, & qua causa, siue iam erit habita, quis ei præfuerit, quis & quomodo tortus sit: an credibilia dixerit, an inter se constantia: perseverauerit in eo quod cœperat, an aliquid dolore mutarit, prima parte quæstionis, an procedente cruciatu.

D E F E N S I O N I S autem, primum confirmatio causarū. Quinq[ue] capitibus accusatoris, totidem refutationes opponit, quibus contra aduersarium reus seu defensor vtatur. Caussam defuisse, sine qua nihil fit: aut ex collatione, maiorem accusatori aut aliis quam reo fuisse caussam, vel cōmodius id cuius causa factum dicatur, fieri potuisse. Facultatē defuisse, aut nō satis magnam fuisse ad id peragendū quod accusatur. Signa incerta esse & infirma, quæ etiam sine eo crimine cōsequi possint. Testibus opponet, quæ in genere & singulatim contra testes dici possunt: item contra quæstiones. Quorum omniū exempla sunt obvia, in orationibus pro Milone, pro Sylla, pro Roscio.

F A C V L t a t u m autem confirmatione.] Secundum caput de agendi facultate, quæ ad refellendum multum valet, ex loco, tempore, occasione, spatio, spe celandi, & effugiendi, hoc genus spectatur.

C O N S E Q V E n t i a autē diluet.] Tertium caput de signis, quæ & euēta & nūc consequētia dicūtur, quæ si sunt necessaria tollunt quæ-

stionem, si non necessaria, soluuntur, aut q̄ certa non sint indicia facti: aut quod in aduersariū conueniant, quod sit inuersione: aut q̄ sint communia, nec minus pro reo quam pro accusatore valeant.

NON esse illa certa indicia facti.] Ut cum ea quæ tanquā proprietate notæ, id est, necessaria signa, adferuntur, talia negamus: vt, Non solum veneno, sed etiam morbo tumescere corpus: non esse metū perpetuum conscientiæ signum: cruento cedis, cum aliunde sine vulnere cruentus emanare possit.

PROPRIA esse defendet potius quam criminis.] Id est docebit signū cōtra se allatum pro se facere potius quam pro accusatore. Ut cū accusator velleret parricidiū à Roscio factū probare: afferretq; signū, quia à patre velut alegatus esset, retentus in rustica vita, Cicerō cōtrā colligit per inuersionem, hoc signū esse potius innocentię. Tale illud pro Quintio, Tribunos appellamus, non q̄ pati iudicia recusa uerimus, sed vt contra iniuitatem Prætoris fieret intercessio. Hęc vehemens est defensio, Quod in publicum prodij, non temeritatis argumentum, sed innocentię est.

P R O periculo potius quam contra salutē valere] Id est, eō pertinere, vt occurratur hominum periculis, & subleuentur laborates, potius quam vt affligantur. Ut, quod sepelierit non id celandi cauſa, sed pietate motus sepeliit inseptulum: quod potius in bonā quam in malam partem sit interpretandum.

HARVM cauſarum principia] Accusatoris est initio attentio-
nem captare, iniectisq; suspicionibus exacerbare iudices in reū: De-
fensoris contra, sibi benevolentiam conciliare, & captata commisera-
tione, iudices placatos sibi reddere. Exēplo tibi erūt exordia in Ver-
rem & pro Roscio, ubi & periculi communis meminit.

NARRATIO autem accusatoris] Accusatoris est, rei ordinē in narrando ita persequi, vt quasi semina argumentorum & suspiciones per membra iniiciantur ad probabilitatem, & ad defensoris argumen-
ta quibus eum usurum expectamus, in dubium incertumq; reuocāda. Defensoris autem, ita narrare, vt iis quæ obfutura creditur prætermissis, aut infirmatis, facta sine circumstantiis explicitentur.

ENVMERATIONE, vt quicque diluerit] Enumeratione reum raro vti debere supra dixit: vtitur tamen cū refutandis singulis cauſam latissime exposuerit & planissime.

A D eam præceptionem quæ inchoatam.] Communē omnium & iam conceptam verbi notionem significat, quam ῥετορes appellant, nisi mauis perceptionem legere, quæ sit, percepta rei comprehensio

hensio, quam ueritatem nominant.

N O N enim argumentando hoc genus tractatur.] Tametsi enim definitio confirmari debeat argumentis, ad definiendum tamen verbum de quo ambigitur, simplex & aperta explicatio tamum adhibetur.

PECVNIA absoluto.] Corruptis pecuniarum largitione iudicibus. In quo genere leges decernunt, si prævaricatione iudices reū absolverint, irrum esse iudicium, & reū accusandum corrupti prævaricatione iudicij.

P R A E V A R I C A T I O N E accusator esse definiat] Vlpianus, Prævaricatores, inquit, eos appellam^o, qui caußam aduersariis suis donat, & ex parte actoris in parte rei concedunt. à varicando enim prævaricatores dicti. Callistratus, Prævaricator est quasi varicator, qui diuersam partem adiuuat, prodita caußâ sua. Marcus, Prævaricatorem esse eum ostendimus, qui colludit cum reo, & translatiuo munere accusandi defungitur, eo quod proprias quidem probationes dissimularet, falsas vero excusationes admitteret.

D E F E N S O R autem non omnem.] Hanc defensoris definitionem Iurisconsulti sequuntur.

S E N T E N T I A legis nititur] Voluntate legislatoris, qui uno prævaricationis verbo omnem iudicij corruptelam significare voluerit. Si enim propter unum accusatorem corruptum iudicium rescindendum est, multo magis si totum corruptum sit, rescindendum esse ex equitate.

E X contrario] Verus enim accusator est qui corruptus non est: cui opponitur prævaricator, qui non nisi corruptus accusator intellegi posse.

E X consequentibus] Dari literas iudici aut ad condemnandum, aut ad absoluendum, aut ad ampliandum reum, in quibus accusatoris nomen scribatur. Prævaricationem igitur non ad iudicem, sed ad accusatorem pertinere.

E X nomine ipso] Prævaricator enim dictus est quasi varicator, quod varias partes adiuuet. Labeo hoc nomen à varia certatione tractum ait. Nam qui prævaricatur, ex utraque parte cōsistere, quin imo ex aduersa.

A D æquitatis locos] Nō æquum esse, quod de prævaricatore lex dicat, id ad iudices transferri: qui accusatore fidem præstante, errare non possint.

A D rerum iudicatarū auctoritatem] Proferenda sunt exempla, in similibus caussis idem iudicatum fuisse.

A D finem aliquem periculi] Non solum iniquū ostendet, sed & pe-

riculosum fore, si aduersarij sententia probetur.

S I M I L I B V S exemplisque] Eiusmodi satis sunt in oratione p
Cecinna, vt illud, Si quis me exire domo coegerisset armis, haberem a-
ctionem: si quis introire prohibuerisset, non haberem? Agitur de scri-
pto & sententia sponsionis.

V E R B I se interpretatione defendat] Ut pro Cecinna, Ridicu-
lū videri, vnius literæ momēto peruersti iudicū, Nō deieci, sed eieci.

E A quam proposui æquitate] Legislatorem voluisse nomine præ-
varicationis omne iudicium corruptum irritum esse.

S I modo rerum magnitudo.] Irrisione enim digni putaremur, si
tragœdias in nugis ageremus: & odio, si conuellere adoriremur quæ
non possint commoueri, vt est in secundo de Oratore.

N A T V R A M atque legem] Ius naturæ non ex aliqua opinio-
ne in nobis, sed naturali quodam instinctu innatae sunt sententiae de
moribus & communis viuendi ratione, Deum colendum esse, paren-
tes venerandos, &c.

A E Q V I T A T I S autem vis est duplex] Aut enim simpliciter
æquitatem spectamus, vt cum suapte natura aliquid iustum esse defen-
dimus, vt, Neminem violandum esse. Aut ex collatione, vt cum pu-
niendos esse & affligendos maleficos dicimus.

A V T gétium iure] Quod naturalis ratio, ait Caius, inter omnes
homines constituit, id apud omnes gentes perèque custoditur, voca-
turque ius gentium, quasi quo iure gentes omnes vtuntur.

P V B L I C V M] Id est, quod ad statum totius alicuius Reip. spe-
rat. Priuatum, quod ad singulorum vtilitatem pertinet.

A T Q V E etiam natura hoc in primis.] Homo enim politicum
animal est, itaq; leges suæ politiæ tueri debet. Et est hic locus com-
munis de legibus obseruandis: quo etiam pro Clientio ipse vñus est.

M E D I T A T A nobis] Id è philosophia petendum est, & diligē-
ti assiduaque meditatione nobis familiare faciendum.

S I imprudenter aut necessitate] Assumptione hoc genus appell-
ant, cū iure factum defendi simpliciter non potest, sed concessio facto
causa adfertur in defensione: vt in causa Milonis, Clodius occisus cō-
ceditur, & vt id iure factū videatur assumitur insidiarū crimen. Supra
plures partes attulit, Factū depellit aut ylciscendi doloris gratia, aut
pietatis, aut pudicitiæ, aut patriæ nomine, aut deniq; necessitate, in-
scitia, casu. Piores illæ partes, quas cōparationis, remotionis & rela-
tionis, nominibus appellant, fere eisdē rationibus tractantur quibus
absoluta qualitas, i.cū iure factum depellitur. De reliquis nūc agit.

Ad eius

A D eius facti deprecationem] Exemplum est pro Ligario. Nulla de virtutibus tuis plurimis nec gratiō, nec admirabilior misericordia est, &c. Deprecatio enim misericordiam petit, & versatur in locis affectuum.

S V N T igitur ambigui duobus aduersariis.] Ista in tres locos Fabius reuocat. Vtra interpretatio magis sit secundum naturam sermonis. Vtra proprius accedit ad mentem scriptoris. Quid verisimile sit voluisse scriptorem.

C V M autem aliud scriptor] Alter status legalis ex scripto & sententia, cum alter verbis ipsis quae scripta sunt nititur: alter ad id quod scriptor sensit, iudicem reuocat.

Q V I scripto nitetur.] Locos communes exponit de scripto retinendo ac tuendo. Opponendum acriter scriptum quo nitemur. Infirmando defensio, quae adfertur de sequenda scriptoris sententia. Exceptionem in lege nullam esse, quo minus simpliciter accipienda sit & generaliter exemplis utendum scriptorū cum exceptione. Causa adferenda cur non sit exceptum, &c. latius in Rhetoricis ad Herennium & ceteris eius generis explicata.

Q V O minus exciperet.] Hermogenes censet in hoc statu eum esse locum efficacissimum, si dicamus exceptum non esse, ac proinde scriptū esse simpliciter, ac generaliter de omnibus accipiendum.

Q V I B S idem scriptor.] Exempla ab eodem scriptore petita maxime mouent, quod eius voluntatem & propositum hinc fuisse intelligamus, bene scriptis suis cauisse, quo minus dubium exoriretur.

A V T alia cauſa obtemperandi, alia abrogandi [Locus communis, Multis partibus esse potius legibus obtemperandum quam detrahendum. Abrogare enim leges non nisi magnis de cauſis licere: obtemperare, omnibus conuenire: itaque aliam cauſam esse obtemperandi, aliam abrogandi, nec tam facile patiendam esse abrogationem, quam vrgendam obtemperationem.

S E N T E N T I A legis voluntateque defendet.] Voluntas scriptoris tum potissimum querenda est & facilis defenditur, cum aut scriptum obscurum est, aut in speciem absurdum. Qua in re iurisconsultus fraudem vocat, cum defenditur scriptum contra sententiam scriptoris.

N E diuerticula peccatis darentur.] Excusationis enim ansam ac materiam præbet exceptio.

S I N scripta inter se dissentient] Controversia etiam nascitur, cu inter se duo videtur scripta aut plura discrepare, quod in legibus

Potissimum sit, ideo & hic status *& vnuq;ia* dicitur. Ad hoc genus pertinet quæ supra de ambiguo dicta sunt. Nam ambiguum aliquid *& vnuq;ia* parit. Item quæ de scripto & voluntate, quod hic utriusque aduersari rationem in suum commodum habeant.

E M E D I A illa nostra Academia.] Veterem illam Academiam intelligit, in qua floruerunt Plato, Speusippus, Aristoteles, Xenocrates, Polemo & Theophrastus: Non nouam, cuius princeps Arkesilas, qui de doctrina dicendi, de dialectica, deque morali philosophia, non ut illi copiose apte & eleganter, sed ieiune & spinose eas artes tractauit.

LECTORI,

HA S breues nostras adnotaciones, literarum studiose lector, etiam atque etiam rogo boni consulas. Ex aliorum infinitis prope modum commentariis bonam partem non tam descripsimus, quam excerpsumus, vnum illud spectantes, ut dilucide, breuiter tamen, quicquid commentary dignum videbatur, explicaremus. De nostro præter lucem & perspicuitatem, nō bene multa nos quidem addidimus, sed ea tamen spero studiosis profutura. Hanc operam quam ex animo studiosos iuuandi suscepimus, si comprobaveris, ad longe maiora nos alacriores reddideris.

Errata quæ inter excudendum commissa sunt, sic emendari debent.

Pag. 13, lin. 25. *lege velimus*: pag. 22, lin. 25. *NVLLI*: pag. 24, lin. 37, *abhorretia*: pag. 25, lin. 25, *poteſt*, *ſed excitat*: pag. 26, lin. 26, *HABEAT Ques.*: pag. 30, lin. 33, *diriguntur*: pag. 32, lin. 4, *fere (emper)pag.* 33, lin. 23, *VT attente autem audiamur*: pag. 35, lin. 7, *Quid, & lin. 18, finitu-*
was: pag. 37, lin. 18, *vlt. fabulas intelligit*, pag. 38, lin. 7, *finitui, & 15, regem*: pag. 39, lin. 20, *finitu-*
ue, pag. 41, lin. 22, & tum & 29, *Conquerenda*: pag. 47, lin. penult. *Locum hunc ordine præce-*
dere debet que lequantur, pag. 49, lin. 33, ab eo loco *SIMILITUDINIS*, *ad lequitem, SED*
est coniunctio: pag. 53, lin. prima & *controverfarum*, pag. 57, lin. 4, *accidillie*.

PARISIIS

Excudebat Guilielmus Morelius, Calend. Iunij, 1549.

Læs mere om projektet på:

www.kb.dk/EOD

www.books2ebooks.eu

Om EOD-projektet

“eBooks on Demand” (EOD) – på dansk “eBøger on Demand” – er et europæisk samarbejdsprojektet, der blev indledt i 2006. Det omfatter 14 national- og universitetsbiblioteker fra hele Europa og finansieringen sker bl.a. via EU.

Projekt har gjort det muligt for brugere af Det Kongelige Bibliotek at bestille ældre bøger som eBøger på nettet via REX. På længere sigt vil brugere på denne måde få adgang til millioner af bøger på nettet fra europæiske biblioteker leveret i digital form som søgbare PDF-filer -såkaldte eBøger.

eBøger fra dit bibliotek via

eod | [eBooks on Demand](http://eBooks.on.Demand)

digitaliseret via

Det Kongelige Bibliotek

